

# *ILAY ANDRIAMANITRA MAHERY*

## *VOASEHO ETO ANATREHANTSINKA*

 Manana andinin-tSoratra Masina vitsy aho voasoratro eto, izay tiako resahana aminareo, ary antenaiko fa hitahy ny ezaka kelintsika Andriamanitra.

<sup>2</sup> Eny, maro ny olona no manontany tena hoe nahoana isika no toa hafahafa sy mitabataba. Fantatrareo, ity dia karazany iray hafa amin'ny—amin'ny fivoriana izay—izay fahitan'ny olona. Ary, matetika, ny zavatra rehetra dia karazany hoe efa voalamindamina mialoha. Saingy rehefa tonga amin'itony fivoriambe itony isika, izay tombontsoa manokana nananako nandritry ny taona maro hatramin'ny nanombohany voalohany, tsy fantatsika mazava tsara hoe inona no hataotsika. Tonga eo fotsiny isika ka mahafoy tena tanteraka. Izay ihany no zavatra izay fantatsika hatao. Ary Andriamanitra no manao ny sisa amin'izany. Koa izay no mahatonga antsika ho olona manana fietsika hafahafa.

<sup>3</sup> Indray andro, nisy olona nanao hoe, “Fantatrareo, ianareo ireto dia olona tena tsi-fahita mihitys.”

Hoy aho, “Eny, izaho—izaho dia mihevitra fa izany izahay.”

<sup>4</sup> Ary tsaroako tamin’ny iray tamin’ireo fivoriambe. Niteny tamiko Rahalahy Troy indray mandeha ny amin’ny Alemandy kely anankiray izay nilaza fa nandray ny batisan’ny Fanahy Masina izy. Ary ny ampitson’iny, tao amin’ilay tronom-barotra izay niasany, dia nasandrany ny t  nany ka nidera ny Tompo izy, ary niteny tamin’ny fiteny tsy fantatra ka nanohy fotsiny, nampatahotra. Ary farany, dia tonga ilay lehibe ary hoy izy, “Heini, inona ity mahazo anao?”

<sup>5</sup> Hoy izy, “Oh, voavonjy aho.” Hoy izy, “Tondraky ny fifaliana fotsiny ny foko.”

<sup>6</sup> Hoy izy, “Eny, tsy maintsy tafaraka tamin’ilay andian’olona adaladala ery indray ianao io.”

<sup>7</sup> Hoy izy, “Eny. Voninahitra ho an’Andriamanitra!” Hoy izy, “Isaorana ny Tompo ny amin’ireo adaladala.” Hoy izy—hoy izy, “Raiso ny fiara, mandehana eny an-d  lana.” Hoy izy, “Esory avokoa ireo vavim-bilao eo amin’izany, tsy hanana afa-tsy ‘korontam-by’ sisa ianao.” Ary izany dia... Io dia saikisaiky toy izany, fantatrareo.

<sup>8</sup> Indray andro, tany California, nandeha teny amin’ny araben’ny Los Angeles aho, ary nahita lehilahy izay nanana marika teo amin’ny tratrany aho, ary *teto*. Ary hoy izy, “Adalan’i

Kristy aho.” Ary ny olona rehetra njery azy. Ary tsikaritro izy ireo nihodinkodina teo aminy dia njery, rehefa nandalo izy. Ary nieritreritra aho hoe hanao tahaka an’ireo sasany ireo aho. Ary teo amin’ny . . . ny lamosiny, hoy izy, “Ianao mba adalan’iza?” Hia. Heveriko fa isika rehetra dia karazana hafahafa avokoa, ho an’ny tsirairay avy, fantatrareo.

<sup>9</sup> Saingy, fantatrareo, izao tontolo izao dia miditra loatra ao anaty fahazarana, hany ka raha vao misy zavatra hafa anankiray dia lasa hafahafa aminy, ka mahatonga ny olona mihevitra fa diso io zavatra io. Ary matetika Andriamanitra no tsy maintsy manao zavatra tsy mahazatra, mba hamerina ny olona indray amin’ny Baiboly.

<sup>10</sup> Azoko eritreretina fa i Noa dia karazana a—adaladala anankiray, ho an’io taona siantifika izay niainany io, satria azon’izy ireo nopofoina fa tsy nisy rano teny amin’ny lanitra. Saingy Andriamanitra kosa nilaza fa misy any. Koa, Noa, rehefa nitory sy nino an’izany, dia tonga adaladala anankiray izy.

<sup>11</sup> Ary nieritreritra aho fa rehefa nidina nankany Egypta Mosesy, dia karazana a—adaladala anankiray izy, ho an’i Farao. Saingy tsarovy, Farao dia adaladala anankiray, ihany koa, ho azy. Koa izy ireo . . . Fantatsika tsara izany.

<sup>12</sup> Na Jesosy aza dia natao hoe mpiavakavaka anankiray. Marina izany. Martin Luther dia adaladala anankiray, ho an’ny fiangonana Katolika. Ary John Wesley dia adaladala anankiray, ho an’ny Anglikana. Koa, fantatrareo, izao dia—izao dia efa saiky fotoana ho an’ny adaladala anankiray hafa indray. Tsy mba mieritreritra tahaka an’izany ve ianareo? [Hoy ny fiangonana hoe, “Amena.”—Mpand.] Saingy, alohan’ny hisian’ny vavim-bilao anankiray, fantatrareo, dia tsy maintsy misy bilao iray, aloha, mba hanerena an’izany.

<sup>13</sup> Koa, fantatrareo, Noa, izay vavim-bilao, izy . . . Nalainy ny vavim-bilao, io no misintona ny bilao, misintona zavatra hikambana, ary mitana zavatra hikambana. Koa, Noa dia afaka nisintona izay rehetra te-hino, ho ao anatin’ny sambofiara, tsy azon’ny fitsarana, tamin’ny maha-vavim-bilao azy.

<sup>14</sup> Hitantsika àry, fa, Mosesy no nisintona ny fiangonana hivoaka ny Egypta, tamin’ny maha-vavim-bilao azy. Marina izany.

<sup>15</sup> Ataoko fa mila vavim-bilao isika ankehitriny, mba hisintona ny Ampakarina hivoaka ny fiangonana. Mila zavatra isika ankehitriny, zavatra anankiray hafa, koa tena karazan’olona hafahafa anankiray mihitsy isika. Ary heveriko fa, androany hariva, raha sitraky ny Tompo, dia hiezaka aho hamaky Soratra Masina vitsivitsy mifandraika amin’izany, ka hiresaka aminareo fotoana fohy monja, ary hiezaka ny haneho aminareo hoe nahoana moa isika no tena karazan’olona hafahafa anankiray.

<sup>16</sup> Ndeha isika hamadika ao amin'ny Soratra Masina izao, ny Filipiana toko faha-2, 1-8, ary Korintiana Faharoa 3:6. Ary ndeha isika hamaky, satria mino ny Tenin'Andriamanitra isika.

<sup>17</sup> Ary ankehitriny, alohan'ny hamakintsika, ndeha isika hanondrika ny lohantsika mba hivavaka.

<sup>18</sup> Ry Ray any An-danitra Mpiahys, vahoaka manana tombontsoa tokoa izahay, izao hariva izao, raha miaina amin'ity taona ity, ka mahita an'ireo zavatra izay hitanay fa mitranga, sy mahafantatra fa tena antomotra ny fotoana, izay hahatongavan'i Jesosy ho an'ny Fiagonany. Oh, mampientana ny fonay izany, Tompo ô! Ary raha mamadika ny pejy izahay, izao hariva izao, dia mangataka izahay mba Ianao no hanome ny hevitra avy amin'ity lahateny ity. Ary aoka ny Fanahy Masina hanambara amin'ny fonay ireo zavatra izay tsara sy ankasisitran'Andriamanitra. Fa mangataka izany amin'ny Anaran'i Jesosy izahay. Amena.

<sup>19</sup> Fantatrareo, ataoko fa hangataka anareo hanao zavatra aho. Izaho—izaho matetika dia mangataka zavatra hafahafa, ary manantena aho fa tsy dia zavatra hafahafa be loatra no angatahiko. Fa rehefa manome toky fankatoavana ny sainam-pirenena isika, dia mitsangana isika rehetra. Ary—ary mandalo ny sainam-pirenena, mitsangana isika; izay, no hataontsika. Ary mitsangana isika, ka miarahaba. Ndeha ary isika hitsangana mandritry ny hamakintsika ny Teny, raha sitrakareo, Korintiana Faharoa 3:6.

*Izay...nampahaleo anay koa ho mpanompo amin'izay fanekena vaovao; nefy tsy tamin'ny soratra, fa amin'ny fanahy: fa ny soratra mahafaty, fa ny fanahy no mahavelona.*

*Fa raha—fa raha ny fanompoana nitondra fahafatesana aza, izay voasoratra teo amin'ny vato, no nisy voninahitra, ka ny zanak'Isirael tsy nahabanjina ny tavan'i Mosesy noho ny voninahitry ny tavany; voninahitra izay nihalevona:*

*Tsy mainka hisy voninahitra ny fanompoana omboan'ny fanahy?*

*Fa raha nisy voninahitra ny fanompoana nitondra ny fanamelohana, mainka fa hanana tombom-boninahitra ny fanompoana mitondra ny fahamarinana.*

*Ary izay nisy voninahitra aza dia tsy manana voninahitra kosa amin'izao, noho ny voninahitra izay manan-tombo.*

*Fa raha ny nihalevona aza nisy voninahitra, ahoana...na mainka fa ny mitoetra no misy voninahitra.*

*Koa amin'izany, satria manana ny fanantenana izahay, dia sahy tokoa amin'ny fitenenana.*

*Ary tsy tahaka an'i Mosesy, izay nanarona ny tavany tamin'ny fisalobonana, mba tsy hibanjinan'ny zanak'Isiraelly ny faran'izay nihalevona;*

*Fa efa donto ny sainy: fa ambaraka androany dia mbola tsy nesorina ihany izany fisalobonana izany raha vakina ny tenin'ny faneke na taloha; satria ao amin'i Kristy ihany no anesorana izany.*

*Fa misy fisalobonana manarona ny fony ambaraka androany, raha vakina ny tenin'i Mosesy.*

*Kanefa raha miverina amin'ny Tompo izy, dia hesorina ihany ny fisalobonana. Tsy . . .*

*Ary ny Tompo izany Fanahy izany: ary izay itoeran'ny Fanahin'ny Tompo, no itoeran'ny fahafahana.*

*Fa isika rehetra kosa, amin'ny tava tsy misarona dia mijery ny voninahitry ny Tompo toy ny amin'ny fitaratra, ka ovana hahazo izany endrika izany indrindra avy amin'ny voninahitry ho amin'ny voninahitry, toy ny avy amin'ny Fanahin'ny Tompo.*

<sup>20</sup> Ary ao amin'ny Filipiana 2, vakantsika io, manomboka eo amin'ny faha-1, ka vakiana hatramin'ny andininy faha-8.

*Raha—raha misy famporisihana ao amin'i Kristy, raha misy fampiononana avy amin'ny fitiavana, . . . misy firaisansa amin'ny Fanahy, raha misy famindrampo,*

*Dia tanteraho ny fifaliako, mba hiraisanareo saina, miray fitiavana, ao amin'ny hevitra iray, ary saina iray.*

*Tsy manao na inona na inona amin'ny fifampiandianiana na mandrani-tena foana; fa amin'ny fanetre-tena dia aoka samy hanao ny namany ho mihoatra noho ny tenany.*

*Aza samy mihevitra ny azy ihany, fa samy . . . an'ny namany koa.*

*Aoka ho aminareo izao saina izao, izay tao amin'i Kristy Jesosy:*

*Izay, na dia nanana ny endrik'Andriamanitra aza, dia tsy nataony ho zavatra hofikiriny mafy ny fitoviana amin'Andriamanitra:*

*Fa nofoanany ny temany tamin'ny nakany ny endrik'y ny mpanompo, sy nahatongavany ho manam-pitoviana amin'ny olona:*

*Ary rehefa hita fa nanan-tarehy ho olona, dia nanetry tena Izy, ka nanaiky hatramin'ny fahafatesana, dia ilay fahafatesana tamin'ny hazo fijaliana.*

<sup>21</sup> Ndeha isika hivavaka.

<sup>22</sup> Ray any An-danitra, io Teny lehibe izay novinaky io, izao hariva izao, avy tamin'ireo Soratrao Masina, ataovy ho tena misy ao am-ponay Izany, ka raha hiala eto izahay tahaka an'ireo izay avy tany Emaosy, dia hanao hoe, "Tsy nangorakoraka va ny fontsika raha niresaka tamintsika teny an-dàlana Izy?" Fa mangataka izany amin'ny Anaran'i Jesosy izahay. Amena.

Afaka mipetraka ianareo.

<sup>23</sup> Ankehitriny, ity dia tena latenay hafahafa tokoa, saingy neveriko fa tena mifanaraka amin'ny zava-misy izy ity. Tehiresaka aho ny amin'ny loha-hevitra hoe: *Ilay Andriamanitra Mahery Voaseho Eto Anatrehantsika*.

<sup>24</sup> Ankehitriny, hatramin'ny nisin'ny olona, dia nisy fanirina mafy tao am-pon'ny olona, dia ny hahita hoe: avy taiza izy; ary inona no antony maha-eto azy; ary ho aiza izy. Tokana ihany no afaka mamaly an'izany, dia ilay Tokana Izay nitondra azy eto. Ary ny olona dia te-hahita an'Andriamanitra foana hatramin'izay.

<sup>25</sup> Fahiny tao amin'ny Testamenta Taloa, hitantsika fa nanafina ny Tenany tamin'ireo tsy mino Andriamanitra. Manana fomba hafahafa ifampiraharohana amin'ny olona Andriamanitra. Manafina ny Tenany amin'ireo tsy mino Izy ary manambara ny Tenany amin'ny mino. Izany no ataon'Andriamanitra. Nisaotra ny Ray Jesosy, fa, "Nafeniny tamin'ny hendry sy ny manan-tsaina ireo zavatra ireo, fa nasehoany kosa Izany tamin'ireo zaza izay te-hianatra." Koa, hitantsika fa tsy miova mihitsy Andriamanitra, ao amin'ny Toetrary, ary tahaka an'izany foana no Anaovany ny Asany. Mahita isika, ao amin'ny Malakia 3, izay Nilazany hoe, "Andriamanitra aho, ary tsy miova Aho." Koa, miasa amin'ilay fomba fiasa tsy miova Izy, amin'ny fotoana rehetra.

<sup>26</sup> Haka ny iray amin'ireo boky tranaindy indrindra ao amin'ny Baiboly isika eto. Joba rehefa, iray amin'ireo lehilahy marina indrindra tamin'ny androny, lehilahy tanteraka teo amin'ny lalàn'Andriamanitra, mpanompo anankiray, mendrika, mpanompo tsara laza, ka nahatonga an'Andriamanitra nanao hoe, "Tsy misy tahaka azy, eny ambonin'ny tany." Saingy... ny faniriany, indray andro, dia ny hahita an'Andriamanitra. Fantany fa nisy Andriamanitra anankiray, ary tsapany fa te-hahita Azy izy, na, amin'ny teny hafa, dia hoe ho any Antranony ary handondona eo am-baravarana, ka hanao hoe, "Tehiresaka Amino aho." Hipetraka eo, hiresaka Aminy, tahaka ny hataontsika samy isika.

<sup>27</sup> Manana fitovian-kevitra isika. Izay no mahatonga antsika eto amin'izao favoriambe izao, izay ahatongavantsika miaraka ka-ka anehoantsika ny fisainantsika. Ary—ary samy mifankahazo isika, tsara kokoa, rehefa misy

zavatra hifampiresahan'ny tsirairay. Ary izany no ataon'ireo mpitoriteny. Ny olona izay samy manana ny antom-pivelomany rehetra dia manao an'izany, mifampiresaka zavatra.

<sup>28</sup> Ary, Joba, tena nisy taminy tokoa Andriamanitra, tiany ho hita raha tsy mahazo mandeha izy, handondona eo Ambaravarany, ka—ka hahazo ny—ny fifampiresahana Aminy.

<sup>29</sup> Saingy hitantsika fa niresaka taminy Andriamanitra, nefà voasarona Izy teo. Voasarona tao amin'ny endrika tafio-drivotra anankiray Izy. Ary nilaza tamin'i Joba Izy mba hampisikina ny valahany; fa hiresaka aminy Izy, toy ny lehilahy anankiray. Ary nidina tao anatin'ny tafio-drivotra anankiray Izy ka—ka niresaka tamin'i Joba. Ary nampahafantatra ny tenany tamin'i Joba tamin'ny alalan'ny tafio-drivotra Izy, kanefa tsy tena nahita Azy marina izy. Reny fotsiny ny rivotra nitsoka sy nihodikodina teo, tao anatin'ny hazo. Ary ilay Feo dia nivoaka avy tao amin'ilay tafio-drivotra, fa Andriamanitra kosa dia voasarona tao anatin'ilay tafio-drivotra.

<sup>30</sup> Hitantsika, any Afrika, Afrika Atsimo, dia mampiasa ny teny *amoyah* izy ireo, izay midika hoe, “hery tsi-hita anankiray.”

<sup>31</sup> Fa ity Hery tsi-hita ity, tao amin'ilay tafio-drivotra, dia nanana Feo azo renesina. Niresaka tamin'i Joba Izy, kanefa tsy hitany mihitsy ny Endriny. Fa voasarona Izy, taminy, tamin'ny alalan'ny tafio-drivotra.

<sup>32</sup> Hitantsika ny anankiray tamin'ireo mpaminany lehibe ao amin'ny Baiboly, Mosesy, tao amin'ny Testamenta Taloha, iray amin'ireonofidin'Andriamanitra, voafantina, mpanompo voafidy mialoha, naniry ny hahita Azy koa izy. Nanakaiky Azy tokoa izy ity, ka nahita zavatra maro avy tamin'ny Tànany mahagaga lehibe izay nandeha teo alohany ka nanao zavatra izay Andriamanitra irery ihany no mahay manao azy. Naniry ny hahita Azy izy indray andro, ka niteny taminy Andriamanitra hoe, “Mandehana, mijoroa eo amin'ny harambato.”

<sup>33</sup> Ary raha nijoro teo amin'ny harambato izy, dia nahita Azy nandalo Mosesy. Hitany ny Vohony. Ary hoy izy, “Tahaka ny olona anankiray izany, vohon’olona.” Kanefa, tsy nahita an’Andriamanitra izy. Ilay sarona nisy an’Andriamanitra ihany no hitany.

<sup>34</sup> Hoy ny Baiboly, “Tsy mbola nisy olona nahita an’Andriamanitra, fa ny Zanakalahy tokan’ny Ray no nanambara Azy.” Koa, nahita Azy Mosesy, voasarona, tahaka ny Olona. Hitantsika fa io Jehovah ao amin'ny Testamenta Taloha io ihany no Jesosy ao amin'ny Testamenta Vaovao.

<sup>35</sup> Ary—ary Dr. Scofield eto, hitantsika fa, ny teniny, dia hoe miova “endrika.” Hitantsika fa ny teny hoe *en morphe*, amin'ny Grika, izay midika hoe “ilay tsi-hita lasa hita.” Zavatra tsy afaka... Fantatsika fa eo ilay izy. Izany dia afaka... tsy afaka ny ho hita, saingy fantatsika kosa anefa fa eo ilay izy. Ary rehefa

nanova ny Endrin Izy, tamin'ilay *en morphe*, izay midika fa niova Izy avy ao amin'ny ivelan'ny voajanahary nankao amin'ny natoraly.

<sup>36</sup> Fa nanova ny Saron-tavany fotsiny Izy, amin'ny teny hafa. Toy ny tantara an-tsehatra anankiray. Nisy asa Nataony. Ary any amin'ireo Grika, rehefa nanova ny saron-tavany izy ireo, mandritry ny seho anankiray angamba, ny mpilalao anankiray dia milalao andraikitra maro samihafa.

<sup>37</sup> Ary ny zanakovavy, manatrika eto, vao avy nanana mihitsy izy ireo tao amin'ny sekoly ambony, la—lalao an-tsehatra anankiray. Ary ilay ankizilahy iray izay fantatro, no nitazona andraikitra efatra teo ho eo, saingy nankao ambadiky ny lampihazo izy ary nanova ny—ny saron-tavany, ka mivoaka avy ao, dia lasa naka endrik'olona hafa indray.

<sup>38</sup> Ankehitriny, raha raisinareo ny faminanian'ny Testamenta Taloha mikasika amin'izay tokony naha-Izy ny Mesia, dia azonareo ampitahaina izany amin'ny fiainan'i Jesosy, dia ho azonareo tsara hoe iza moa Jesosy. Tsy lehilahy anankiray tsotra fotsiny Izy. Andriamanitra Izy, *en morphe*. Niova avy tamin'ny—avy tamin'ny endrika ivelan'ny voajanahary Izy nankao amin'ny endrik'Olona natoraly anankiray. Kanefa kosa, Andriamanitra Izy, voasaho tamin'ny nofo, voasarona tamin'ny alalan'ny olona, sarona ara-nofo.

Ary mijery ny Testamenta Taloha ianareo.

<sup>39</sup> Izaho—izaho—izaho dia mahalala fa miresaka amin'ny olona mifangaro aho, izao hariva izao, avy any amin'ny faritra samihafa eto amin'izao tontolo izao. Ary eto isika mba hahita zavatra. Inona àry no—inona àry no ataontsika izao? Inona—inona moa isika? Mankaiza moa isika? Inona no mitranga? Inona no dikan'izao rehetra izao?

<sup>40</sup> Ary hitantsika ankehitriny, eto, fa, raha ianareo lehilahy sy vehivavy Jiosy ireo, sy ireo raby tao—tao—tao amin'ny tempoly, tamin'ny andro fahiny, raha mba nandinika ny Baiboly izy ireo, ireo faminaniana, fa tsy ireo fombafomba, dia ho nahafantatra izy ireo hoe iza moa Jesosy. Tsy ho niantso Azy ho Belzeboba mihitsy izy ireo. Tsy ho nanombo Azy mihitsy izy ireo. Saingy, tsy maintsy nolalaovina izany rehetra izany. Ampahany amin'ilay lalao an-tsehatra izany. Ary nohanjambaina izy ireo, tamin'io tranga io.

<sup>41</sup> Tahaka ny maro aminareo lehilahy, vehivavy, eto izao hariva izao, mitovy taona amiko angamba na zokiko kely fotsiny. Tsaronareo, teto Amerika teto, taona maro lasa izay, talohan'ny... Ny Sinoa... Ny rahalahiko, izay vao nampahafantarina teto, tonga tato an-tsaiko izany raha nireshaka taminy aho. Ahoana no fanaon'izy ireo taloha... Tsy nahay niteny Anglisy izy ireo, fa izy ireo—izy ireo dia nanana trano fanasan-damba. Ary mankao amin'io fanasan-dambany io

ianareo, mba hampanasa ny lambanareo. Ireo—ireo Sinoa mpanasa lamba ireo dia maka baoritra kely anankiray, ary mandrovitra azy amin'ny fomba anankiray. Ianareo maka ny ilany iray amin'ilay baoritra kely; izy maka ny ilany iray hafa. Fa rehefa miverina ianareo hitaky ny anareo, dia tsy maintsy mifanitsy ireo silan-taratasy roa ireo. Ary raha tsy mifanitsy tsara mihitsy ireo... Tsy hainareo halain-tahaka izany na ahoana na ahoana, satria izy nanana ny tapany anankiray ary ianareo nanana ny anankiray hafa. Ary raha alain-tahaka izany... Avy eo ianareo vao tena afaka hitaky izay anareo. Ary azonareo avy eo izay anareo, rehefa anananareo ilay ampahany anankiray amin'ilay fifanarahana.

<sup>42</sup> Dia toy izany koa, izao hariva izao, rehefa ananantsika ny ampahany anankiray amin'ny fifanarahana. Rehefa, notriarin'Andriamanitra roa ny Zanany, teo Kalvary, nampiakatra ny vatana ho Fanatitra, ary nampidina ny Fanahy ho amintsika, izay nivelonina indray mandeha tao amin'ny Lehilahy anankiray, Jesosy. Io Andriamanitra io ihany no ao amin'ny sarona izao hariva izao, amin'ny endriky ny Fanahy Masina. Tsy maintsy miaraka tonga ireo tapany roa ireo, ary dia ampanhan'io fifanarahana io ianareo. Nanao an'izany Andriamanitra, mba ho fantatra bebe kokoa eo amin'ny olona, rehefa nanao ny Tenany ho Olona Izy.

<sup>43</sup> Namaky tantara anankiray aho, taona maro lasa izay. Ary tao amin'io tantara io, dia voalaza fa nisy mpanjaka lehibe, mendri-kaja anankiray... Adinoko ny anaran'izy io, ankehitriny izao. Tsy nieritreritra ny hiresaka an'ilay tantara aho. Izy io, angamba tantara noforonina, saingy mitarika antsika eo amin'ny toerana izay hanome antsika fototra ny amin'izay tiansika holazaina izany. Io mpanjaka io, tena mpanjaka nanan-kaja izy, sady tena be fitiavana an'ireo vahoakany, ka, indray andro, teo anatrehan'ny—ny mpiambina azy sy ny fianakavian'ny mpanjaka, hoy izy hoe, “Anio, no fotoana farany ahitanareo ahy, mandritry ny taona maro.”

<sup>44</sup> Ary ny mpiambina sy ny tandapany niteny taminy hoe, “Ry mpanjaka tsara, nahoana ianao no miteny izany? Ho any amin'ny firenena hafa angaha ianao, any ho any, ka ho lasa vahiny?”

<sup>45</sup> Hoy izy hoe, “Tsia. Hijanona eto ihany aho. Eny,” hoy izy, “handeha ho eny anivon’ireo vahoakako aho. Handeha ho lasa tantsaha aho. Handeha hanapaka hazo miaraka amin'ny mpikapa hazo aho. Handeha mba—mba hiasa ny tany miaraka amin'ny mpiasa tany aho. Handeha handratsana voaloboka miaraka amin'ireo izay mandratsana voaloboka aho. Handeha ho lasa isan'izy ireny aho, mba hahalala bebe kokoa izay ataon’izy ireo. Ary tiako izy ireo. Ary te-hahalala betsaka azy ireo, izaho manokana. Tsy ho fantatr’izy ireo aho. Saingy, kanefa, te-hahalala azy ireo aho, amin’izay fomba izay.”

<sup>46</sup> Ary ny ampitso marainan'io, rehefa ireo solotenany, nahita azy ireo vahoakany rehetra, na ireo izay tao an-dapa, dia nalàny ny satroboninahiny ka napetrany teo ambonin'ny seza, ny seza fiandrianana; ary nesoriny ny fitafiany, ka nanaovany ny akanjon'ny tantsaha, ary nandeha teny anivon'ny vahoaka.

Ankehitriny, ao amin'izany tantara kely izany, dia mahita ny amin'Andriamanitra isika.

<sup>47</sup> Hoy izy ireo tamin'ilay mpanjaka, hoe, "Mpanjaka, mila anao izahay. Tia anao izahay. Izahay—izahay mila anao mijanona ho mpanjaka." Saingy te-ho lasa isan'izy ireo izy, hahalala azy ireo bebe kokoa, ka fantar'izy ireo bebe kokoa, hoe inona marina tokoa moa izy. Io no haneho amin'izy ireo hoe inona marina moa izy.

<sup>48</sup> Ary izay no nataon'Andriamanitra. Izy—Izy no nanova ny Tenany, avy tamin'ny naха-Jehovah Andriamanitra, lasa isan-tsika, ka afaka nijaly Izy, afaka nanandrana fahafatesana Izy, afaka nahafantatra Izy hoe inona izany fanindronan'ny fahafatesana izany, ary naka ny sazin'ny fahafatesana teo amin'ny Tenany. Napetrany tetsy ankilany ny—ny Satroboninahiny sy ny Fitafiany, ka lasa isan-tsika. Nanasa tongotra niaraka tamin'ny—niaraka tamin'ny—tamin'ny ambanimbany Izy. Nitroetra tao amina trano-lay Izy, niaraka tamin'ny mahattra. Natory tany anatin'ny—ny ala sy teny amin'ny lâlana Izy, niaraka tamin'ireo izay nafoy. Tonga isan-tsika Izy, mba Nahafahany nahazo antsika bebe kokoa, sy mba nahafahantsika nahazo Azy bebe kokoa.

<sup>49</sup> Ankehitriny, heveriko fa, ao anatin'izany, dia hitantsika, ilay fiovàna, Izy Tenany, izay Nataony. Raha tsikaritrareo, dia tonga tao amin'ny anarana zanaka anankitelo Izy. Tonga Izy tao amin'ny anarana Zanak'olona, sy tao amin'ny Zanak'Andriamanitra, ary ny Zanak'i Davida. Tonga toy ny Zanak'olona Izy.

<sup>50</sup> Ankehitriny, ao amin'ny Ezekiela 2:3, Jehovah, Izy Tenany, no niantso an'i Ezekiela, ilay mpaminany, hoe "ny zanak'olona."

<sup>51</sup> *Zanak'olona* dia midika "mpaminany." Tsy maintsy tonga tamin'io fomba io Izy, mba hahatanteraka ny Deotornomia 18:15, izay nilazan'i Mosesy hoe, "Ny Tompo Andriamanitrap no hanangana mpaminany tahaka ahy eo anivonao." Tsy niantso ny Tenany ho Zanak'Andriamanitra mihitsy Izy. Nanondro ny Tenany Izy hoe, "ny Zanak'olona," satria tsy maintsy tonga araka ny Soratra Masina Izy. Hitanareeo? Tsy maintsy nanao an'ireo tapa-taratasy rovitra anankiroa ireo Izy, ny faminanian'ny Testamenta Taloha sy ny toetran'ny Tenany Manokana, mba hitovy tanteraka. Koa, tonga Izy, ilay Zanak'olona, tonga tao amin'izany endrika izany.

<sup>52</sup> Avy eo dia hitantsika, taorian'ny Fahafatesany, fandevenana, ary fitsanganany, dia tonga Izy tamin'ny Andro Pentekosta,

amin'ny maha-Zanak'Andriamanitra; Andriamanitra, ilay Fanahy, tao amin'ny endrika, Fanahy Masina. Inona no Nataony? Nanova ny Tenany Izy, nanao ny Tenany ho fantatra tamin'ny Vahoakany tamin'ny endrika hafa. Toy ny hoe, ilay Fanahy Masina, izay Andriamanitra, dia tonga Izy mba hiasa teo amin'ireo taonan'ny fiangonana, tamin'ny maha-Zanak'Andriamanitra, ny Fanahy Masina.

<sup>53</sup> Saingy, ao amin'ny Fanjakana Arivo taona, dia tonga amin'ny maha-Zanak'i Davida Izy, hipetraka eo amin'ny sez a fiandrianan'i Davida, Mpanjaka. Tsy maintsy haka ny sez a fiandrianan'i Davida Izy. Eo amin'ny sez a fiandrianan'ny Ray Izy izao. Ary tamin'izay Izy no nanao hoe, "Izay maharesy no hiara-hipetraka Amiko eo amin'ny sez a Fiandrianako, tahaka ny Nandreseko ka Nipetrahako eo amin'ny sez a fiandrianan'ny Raiko." Arak'izany, Izy, ao amin'ny Fanjakana Arivo taona, dia ho Zanak'i Davida Izy. Inona izany? Ilay Andriamanitra io ihany, tamin'ny fotoana rehetra, nanova fotsiny ny—ny Saro-tavany.

Izaho, amin'ny vadiko, dia vady.

<sup>54</sup> Voatsikaritrareo ve? Fa hoy ilay vehivavy Syro-foinika, "Ry Zanak'i Davida ô, mamindrà fo amiko." Izy, tsy Niraharaha izany, mihitsy. Tsy nanana zo hiantso Azy toy izany izy. Tsy nanan-jo Aminy amin'ny maha-Zanak'i Davida Azy izy. Izy—Izy dia Zanak'i Davida, ho an'ny Jiosy. Ary eto Izy dia tonga... Saingy rehefa niantso Azy izy hoe, "Tompo," Tompony Izy, tamin'izay vao nahazo izay nangatahany izy.

Eny, fa, nanova ny Tenany fotsiny Izy.

<sup>55</sup> Ankehitriny, ao an-tranoko, dia olona telo samy hafa aho. Ao an-tranoko, manan-jo amiko amin'ny maha-vadiny ahy ny vadiko. Ny zanakovavy iry, tsy manan-jo amiko amin'ny maha-vady; rainy aho. Ary iry zafikeliko iry, raibe aho ho azy, noho izany dia tsy manana zo hiantso ahy hoe ray izy. Tsy rainy aho. Ny zanakolahy no rainy. Raibeny aho. Nefa mbola izaho ihany ilay lehilahy io.

<sup>56</sup> Ary Andriamanitra, ny Nataony, dia nanova ny Tenany fotsiny Izy, ho tonga teo amin'io taranaka io, nampahafantatra ny Tenany tamin'io vahoaka io. Ary izay no tiantsika ho hita eto, izao hariva izao. Amin'ny fomba ahoana no tokony hampahafantararan'Andriamanitra ny Tenany amin'ity vahoaka ity sy amin'izao fotoana izao? Nanova ny Saron-tavany Izy, nanova ny Andraikiny Izy, saingy tsy nanova ny Fandaharany Izy. Tsy nanova ny—ny Toetrary Izy. Nanova ny Saron-tavany fotsiny Izy, avy amin'ny anankiray ho amin'ny iray hafa. Nataony izany, mba hanambara ny Tenany tsotsotra kokoa ho an'ny olona, ka tokony ho fantatr'izy ireo hoe iza Izy, sy hoe inona Izy.

<sup>57</sup> Ao amin'ny Hebreo 1, dia mamaky isika hoe, "Andriamanitra, tamin'ny andro samy hafa sy ny fanao samy

hafa, dia niteny tamin'ny razantsika, tamin'ny alalan'ireo mpaminany, fa amin'izao andro farany izao kosa dia amin'ny alalan'ny Zanany, Jesosy."

<sup>58</sup> Ankehitriny, "Ireo mpaminany," hoy Jesosy, fony tety an-tany Izy, "andriamanitra izy ireo. Antsoinareo hoe 'andriamanitra,' ireo izay nihavian'ny Tenin'Andriamanitra. Ary ny Soratra Masina dia tsy azo foanana," hoy Izy. Hoy Izy, "Ahoana àry no hanamelohanareo Azy, raha Izy no Zanak'Andriamanitra?" Hitanareo?

<sup>59</sup> Ny Tenin'Andriamanitra dia notsinjaraina isaky ny taona, araka izay haha-Izy azy. Ary Jesosy no fahatanterahan'ny faminaniana rehetra. "Tao Aminy no nitoeran'ny fahafenoan'ny fomban'Andriamanitra rehetra." Tao Aminy izany. Izy Ilay tao amin'i Josefa. Izy Ilay tao amin'i Elia. Izy Ilay tao amin'i Mosesy. Izy Ilay tao amin'i Davida, mpanjaka nolavina anankiray.

<sup>60</sup> Ny vahoakany ihany no nandà azy, tsy ho mpanjaka. Ary raha nivoaka teny—teny an-tokontany izy, dia zalahikely anankiray, olona nandringa nandadilady teo, tsy tia ny—ny fitondrany, ny rafiny, no nandrora azy. Ary nanatsoaka ny sabany ilay mpiambina, hoy izy, "Ho avelako ho eo aminy ihany ve ny lohan'io alika io, izay nandrora tamin'ny mpanjakako?"

<sup>61</sup> Ary Davida, angamba tsy nahalala ny amin'izay hataony tamin'io fotoana io, saingy voahosotra izy. Ary hoy izy, "Avelao ihany izy. Andriamanitra no nilaza taminy hanao an'izao." Ary nihanika ny havoana izy ka nitomany an'i Jerosalema, mpanjaka nolavina anankiray.

<sup>62</sup> Voatsikaritraiseo ve? An-jato taona vitsy taty aoriania, dia voarora koa ilay Zanak'i Davida, teny amin'ny lâlana, ary teo amin'ny havoana, io tendrombohitra io ihany, njery nanandrify an'i Jerosalema, Mpanjaka nolavina anankiray. Ary nihiaaka hoe, "Ry Jerosalema, impiry moa Aho no ta-hanangona anao tahaka ny fanomban'ny akoho ny zanany, fa tsy nety ianao?"

<sup>63</sup> Tsy nanova ny Toetrany mihitsy Izy, satria Hebreo 13:8 manao hoe, "Izy no tsy miova omaly, anio, ary mandrakizay." Tonga nofo Andriamanitra, mba ho faty, hanavotra antsika tamin'ny fahotana. Izay no antony Nanovany ny Tenany, tonga ho—ho Olona.

<sup>64</sup> Mahita isika, ao amin'ny Masindahy Jaona 12:20, nandre ny Aminy ireo Grika. Eny, tsy misy olona afaka mandre ny Aminy mihitsy afa-tsy ireo izay manana fo mirehitra mba hahita Azy. Tahaka an'i Joba sy ireo mpaminany fahiny, te-hahita Azy izy rehetra. Koa, tonga ity Grika ity mba hahita Azy. Tonga teo amin'i Filipo izy ireo, izay avy any Betsaida, nanao hoe, "Tompoko, te-hahita an'i Jesosy izahay."

<sup>65</sup> Te-hahita Azy ireo Grika, saingy tsy afaka nahita Azy izy ireo satria tao amin'ilay tempolin'ny maha-olona Azy Izy. "Andriamanitra dia tao amin'i Kristy, nampihavana an'izao

tontolo izao Taminy.” Eny hitantsika izany, eto amin’ity, fa tsy afaka nahita Azy ireto Grika ireto.

<sup>66</sup> Ary mariho ireo tena teny navoakan’i Jesosy tamin’izy ireo, taorian’izany. Hoy Izy hoe, “Raha tsy latsaka amin’ny tany ny voam-bary, ka maty, dia mitoetra irery izy.” Amin’ny teny hafa, dia tsy afaka ny hahita Azy mihitsy izy ireo tao amin’io fiovàna io, ao amin’ilay saron-tava nisy Azy eo io, satria voasarona tao amin’nynofon’olombelona Izy. Fa rehefa milatsaka amin’ny tany io voam-Bary io, amin’izay vao hiteraka an’ireo taranaka rehetra Izy io. Nirahina ho an’ny Jiosy Izy, marina tokoa, tamin’io fotoana io. Fa tsy maintsy latsaka io voam-Bary io; Andriamanitra misarona, tao amin’nynofon’olombelona, niafina tamin’ireo tsi-mino, saingy voambara kosa tamin’ireo mino.

<sup>67</sup> Ao amin’ny Jaona 1, “Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra. Ary ny Teny dia tonga nofo, ka nonina tamintsika, ary nibanjina Azy isika, ny Lahitokana avy tamin’ny Ray, feno fahasoavana.” Eny, tamin’ny voalohany ny Teny. Ny Teny dia fisainana voaseho.

<sup>68</sup> Tamin’ny voalohany, tsy mbola Andriamanitra Izy. Eto, ny tenintsika Anglisy eto hoe, *God* [Andriamanitra—Mpand.], midika “zavatra natao hotompoina.” Fifangaroana toy inona re izany eo amin’ny fisainana. Azonareo atao andriamanitra ny olona anankiray. Azonareo atao andriamanitra ny zavatra anankiray.

<sup>69</sup> Saingy tao amin’ny Testamenta Taloha, ao amin’ny Genesisy 1, “Tamin’ny voalohany *Andriamanitra*,” ny teny ampiasaina dia, Elohim. *Elohim* midika “nisy tamin’ny alalan’ny Tenany.” Fahasamihafana manao ahoana ny teny hoe Elohim, amin’ny tenintsika hoe Andriamanitra. *Elohim* midika hoe “nisy tamin’ny alalan’ny Tenany.”

<sup>70</sup> Isika tsy afaka ny hisy amin’ny alalan’ny tenantsika. Tsy afaka ny ho tsitoha, mahery indrindra, misy manerana ny rehetra, mahalala ny rehetra. Io Elohim io no manehe an’izany rehetra izany. Tsy afaka ny ho izany isika. Ny hazo izay ataonareo ho andriamanitra io, na ny—na ny trano, dia tsy nisy tamin’ny alalan’ny tenany.

<sup>71</sup> Koa, Andriamanitra, tamin’ny voalohany, dia Fiainana, ilay Tokana Mandrakizay. Nisy toetra maro tao Aminy, ary ireo toetra ireo no tonga Teny, ary ny Teny tonga nofo. Jesosy no ilay Mpanavotra. Ary ny *manavotra*, dia midika, “mampody.” Raha tsy maintsy hampody an’io Izy, dia tsy maintsy misy io any ho any mba hampodiana. Koa, hitanareo, fa tsy ny olona rehetra no afaka hahita an’izany, satria tsy ny olona rehetra no tao amin’ny fisainan’Andriamanitra tamin’ny voalohany. Hitanareo?

<sup>72</sup> Jereo ireo mpisorona. Rehefa hitan’izy ireo naneho ny Tenany niaraka marina tamin’ny Tenin’Andriamanitra Izy, ny naha-izy

Azy, dia hoy izy ireo hoe, "Belzeboba izany." Izay no nampiseho hoe taiza ny natioran'izy ireo. Tao amin'ny fisainana moderin'ny andro ilay izy.

<sup>73</sup> Fa ilay vehivavy janga kely kosa, izay nifanena Taminy teo am-bavahady, ka niresaka taminy, nanehoana ny Famantarany ny maha-mesia, tamin'ny nilazana taminy izay nataony. "Eny," hoy izy, "Tompoko, hitako fa Mpaminany Ianao. Fantatray, ny Mesia, raha avy Izy, dia Hambarany aminay avokoa ireo zavatra rehetra ireo." Nahafantatra Azy ho ny Mesia izy, ilay Tokana voahosotra, satria nifanaraka tamin'ireo famaritan'ny Soratra Masina Izy. Tsy hitanareo ve? [Hoy ny Fianganana hoe, "Amena."—Mpand.] Ireo tapa-taratasy anankiroa no lasa tafaraka. Izy, "Fantatray izany, rehefa ho avy ny Mesia."

<sup>74</sup> Ankehitriny, mety ho tsy maintsy nampifangaro an'ity sy *iry Andriamanitra*, mba ahazoana an'io karazana feon-dakolosy anankiray io, tahaka ny mpandrendrika. Fa rehefa nitodika Jesosy, nanao hoe, "Izaho izay miresaka aminao no Izy," dia tsy nisy ny fitenenana toy ny hoe "Belzeboba" teo. Nandao ny sinin-dranony izy, nihazakazaka tany an-tanàna, ka nanao hoe, "Avia, hizaha Lehilahy anankiray Izay nilaza tamiko ny zavatra nataoko. Izao angaha no tena Mesia?" Hitanareo?

<sup>75</sup> Eny, inona no nataon'io? Nametraka an'ireo Soratra Masina fahiny niaraka tamin'ny fahatsapana izay—izay nomen'i Jesosy azy, inona no nataon'izany? Niteraka ny Mesia izany. Ary voatsikaritraiseo ve? Teo no ho eo, dia voavela ny helony, satria, hatramin'ny voalohany, dia efa azo navotana izy, satria efa tao an-tsain'Andriamanitra izy hatramin'ny voalohany. Koa, nanavotra azy izany, na nampody azy, rehefa hitany fa ny fanehoan'ny Soratra Masina dia naneho, an'i Jehovah, hoe inona Izy taloha, inona Izy izao.

<sup>76</sup> Eny, rehefa tonga Jesosy, raha tonga niaraka tamin'ny hafatr'i Noa Izy, dia tsy ho nety izany. Ny hanamboatra sambo-fiara, ka hitsingevana, dia tsy ho nety izany. Fa Noa dia ampahan'Andriamanitra. Niasa tamin'ny fomba hafahafa izy satria hafahafa izy, ary ny hafany dia hafahafa satria ny Teny tonga voaseho ilay izy.

<sup>77</sup> Tsy ho tonga niaraka tamin'ny hafatr'i Mosesy Izy, satria tsy ho nety izany. Mosesy dia Andriamanitra, tamin'ny ampahany, tonga voaseho. Izy no teny voaseho tamin'io ora io, saingy Jesosy tsy tonga tao amin'izany. Tsy nilaza mihitsy ny Baiboly hoe ho avy amin'izany fomba izany Izy.

<sup>78</sup> Fa rehefa tonga Izy, naneho tanteraka toy izay—izay efa nambaran'ny Testamenta fa hanehoana Azy, noho izany dia ireo rehetra azo avotana no nino an'Izany, satria efa tao amin'ny fisainan'Andriamanitra izy ireo. Ireo toetra tao Aminy tamin'ny voalohany no tonga nofo, sy azo avotana, ary nampodiana tamin'Andriamanitra. "Fa izay rehetra nandray

Azy, dia Nomeny hery ho tonga zanak'Andriamanitra," satria azo avotana izy ireo. Hatrany amin'ny voalohany izy ireo, dia efa tao amin'ilay fanehoana.

<sup>79</sup> Raha afaka ny hijanona vettivety eto isika, raha azo hatao, ka hieritreritra an'izany, izao hariva izao, ny amin'ny Hafatry ny ora, dia ireo fisainan'i Jehovah voaseho. "Talohan'ny nanorenana an'izao tontolo izao," dia nolazaina antsika fa, "ireo anarantsika dia efa natao tao amin'ny Bokin'ny Fiainan'ny Zanak'ondry." Avy eo dia mahita ny lafiny anankiroa isika, tahaka izay nolazaiko voalohany hoe, nahoana ny iray no hafahafa ho an'ny hafa. Tsy maintsy izay ilay izy. Izay foana ilay izy. Efa izay foana ilay izy hatramin'izay, ary ho toy izay foana ilay izy. "Teny Izy. Ary ny Teny dia tonga nofo ka nonina tamintsika."

<sup>80</sup> Ankehitriny, Andriamanitra, tao...tany amin'ny andron'ny Testamenta Taloha, hitantsika fa taorian'ny Nisehoany tamin'ny Vahoakany, tamin'ny endrika samihafa, dia nanarona ny Tenany tao ambadiky ny hodi-bibidia Izy. Andriamanitra niafina tao ambadiky ny hodi-bibidia, teo amin'ny Fitoerana fanaovam-panavotany. Hitantsika izany, izay nataon'i Solomona, rehefa nitokana ny tempolin'ny Tompo izy, ka ireto hodi-bibidia ireto no nihantona teo, ilay sarona, ahoana no Nidirany tamin'ny endrika Andry Afo sy Rahona, ary nidina tao ambadika tao, ka nanarona ny Tenany, ho an'izay taty ivelany. Fa, tamin'ny finoana kosa, no nahafantaran'ny Isiraely fa tao ambadika tao Izy. Fantatr'izy ireo fa tao Izy, tsy miraharaha izay holazain'ireo mpanompo sampin'izao tontolo izao. Niafina tamin'ireo tsimino Izy. Fa ny mino kosa, tamin'ny finoana, dia nahafantatra fa tao ambadika tao Izy. Nahazo famindrampio izy ireo. Ary teo amin'ny Fitoerana fanaovam-panavotany Izy, izay tena zava-niafina lehibe anankiray.

<sup>81</sup> Fantatrareo, ao amin'ny Testamenta Taloha, ny niditra tao ambadik'io hoditra io dia fahafatesana. Ankehitriny ny mijanona aty ivelan'izany no fahafatesana. Tamin'izany ny niditra tao amin'ny Voninahiny no fahafatesana. Ankehitriny ny mijanona laviry ny Voninahiny no fahafatesana. Izay no nitranga, marina tokoa, teo amin'ilay fanatriarana ny sarona teo Kalvary, rehefa triatra ny sarona, ilay sarona fahiny. Ankehitriny ny mijanona any ivelan'ny Fanatrehany no fahafatesana. Tamin'izany ny niditra tao amin'ny Fanatrehany no fahafatesana. Hitanareo? Miova indray izany, ary tsy maintsy mahita ny Soratra Masina ianareo hahitana hoe andro inona izao ivelomantsika izao.

<sup>82</sup> Ankehitriny, rehefa triatra ny sarona teo Kalvary, dia tonga hita niharihary ilay fitoerana fanaovam-panavotana. (Saingy inona no nitranga? Nihantona teo Kalvary Izany, nitete Rà.) Raha mbola naka rà izy ireo, isan-taona, teo amin'ilay fanadiovana ny toerana masina sy famafazana ny fitoerana

fanaovam-panavotana, tany, Andriamanitra, niaraka tamin'ny Famelezany mahery lehibe tamin'ny herin'ny tselatra, dia nandriatra an'ilay sarona hodi-bibidia tranainy avy any ambony ka hatrany ambany, ka tonga hita niharihary ilay fitoerana fanaovam-panavotana.

<sup>83</sup> Ilay tena, Zanak'ondrin'Andriamanitra marina no nihantona niharihary teo Kalvary, ilay tena Fitoerana Fanaovam-panavotana, rehefa naloan'Andriamanitra ny vidiny, Izzy Tenany; ka tonga isan-tsika, ka naneho ny Tenany toy ny Olona, ahazoana mba mahalala antsika, ary isika mba mahalala Azy. Niharihary teo imason'ny Isirael rehetra tamin'io andro Fanavotana io ilay Fitoerana Fanaovam-panavotana.

<sup>84</sup> Saingy, indrisy, ireo fanaon'ireo fiangonan-drazana tamin'izany andro izany no, tamin'ireo fanaony, no nanarona ilay Fitoerana Fanaovam-panavotana marina tamin'ny vahoaka. Raha nahalala ny Soratra Masina izy ireo, ny sombiny tsirairay dia tokony ho tonga tahaka an'ilay baoritra Sinoa. Ny faminanian'ny Testamenta Taloha no notanterahina, ary tanteraka izany. Ary raha nampianarina ny Soratra Masina izy ireo, dia tokony ho nahita an'ilay Fitoerana Fanaovam-panavotana. "Tahaka an'i Mosesy," voalaza eto, fa, "mandraka androany dia voasarona izy ireo. Mbola eo amin'ny fony ihany izany." Tsy hitan'izy ireo Izany.

<sup>85</sup> Saingy, Andriamanitra Izzy, ilay fijaliana sy ilay Fanavotana. Izzy no tena Fitoerana Fanaovam-panavotana nitsangana ankarihary. Tahaka ny hirantsika ilay hira hoe:

Jereo, indro Izzy fa miharihary.  
Io Izzy, ilay Mpandresy mahery,  
Hatramin'ny Nandriatany roa ny sarona.

<sup>86</sup> Hitanareo, tonga Izzy, ilay Toerana Fanaovam-panavotana, nihantona tamin'ny fahitana mazavan'ireo mpiangona. Saingy izy ireo kosa, teo ambanin'ny hevity ny be sy ny maro . . .

<sup>87</sup> Ankehitriny, ry lehilahy sy vehivavy, ary ireo solontena amin'izao favoriam-be izao, tiako ny hilaza an'izao tsy misy fanavahana olona. Fa, raha mijery an'izao androany izao, raha mijery hoe inona no maha-eto antsika androany, dia matahotra aho sao ny fanaon'ireo razana, ireo fiangonan-drazana, no nanafina an'ity tamin'ny olona maro be. Hatramin'ny nihavian'ny Fanahy Masina tamin'izao andro farany izao, araka ny voaminany, sady efa triatra ny sarona, dia maro loatra ny olona miezaka ny mifikitra amin'ireo fanaon'ny razany. Ary izay no antony tsy abitan'izy ireo an'izao fifaliana faran-tampony izao, sy fiadanana, sy ireo zavatra izay ananan'ny Fianganana amin'izao andro izao. Kanefa, dia hita miharihary Izany ho an'ireo izay mino.

Nafeniny ny Teny, ilay Teny nampanantenaina amin'izao andro izao.

<sup>88</sup> Ankehitriny, nanao sarona ilay fombafomba. Lazain’izy ireo efa lasa ny andron’ny fahagagana. Nisy lehilahy niresaka tamiko, mahafinaritra, lehilahy tsara manam-pahaizana tao Tucson, Arizona, izay itoerako. Nanao favoriana aho tao Ramada. Ary niresaka izahay tao amin’ny Fivoriamben’ireo Lehilahy Mpandrahahara izay nahatongavan’ny Tompo Jesosy nanatrika ka nanaovany zavatra lehibe. Ary tonga teo amiko io lehilahy Kristiana io, ary hoy izy...Mpitoriteny anankiray tao amin’ny fiangonana, lehilahy mahafinaritra, ary hoy izy hoe, “Rahalahy Branham, miezaka ny mampiditra ny taona apostolika eo amin’ny olona ianao,” hoy izy, “nefa efa nitsahatra ny taona apostolika.”

<sup>89</sup> Dia hoy aho hoe, “Miangavy anao aho, ry rahalahiko, asehoy ahy hoe oviana no nitsahatra ny taona apostolika, ao amin’ny Soratra Masina.” Hoy aho hoe, “Nanomboka tamin’ny Andro Pentekosta ny taona apostolika, ary izany dia...Hoy Petera, tamin’ny Andro Pentekosta, ‘Ny teny fikasana dia ho anareo, sy ny zanakareo, ary izay any lavitra, na iza na iza antsoin’ny Tompo Andriamanitsika.’ Oviana no nitsahatra izy io? Raha mbola miants foana Andriamanitra, dia mbola mitohy foana izany ny taona apostolika.”

<sup>90</sup> Ary tahaka an’izany no ezahan’ny olona manampi-maso olona maro, tamin’ny fanaon’ireo zokiolony, toy ny fahiny. Fa tsy hitanareo hoe nahoana ireto olona ireto no mifaly be sy mientanentana be. Ary—ary ireto favoriambe ireto dia tahaka ny tsi-fahita anankiray, toa zavatra hafahafa anankiray, ho an’ny olona hafa, izany dia satria mahita izy fa izy ireo dia namaky teo amin’ireo sákana. Namaky teo amin’ireo sarona ireo izy ireo, ho ao amin’ny Fanatrehan’Andriamanitra, izay ahitany an’ilay fampanantenana voaseho an’izao ora izao tonga voaseho eo anatrehan’ny olona. Mahita izay nampanantenain’Andriamanitra izy ireo.

<sup>91</sup> Ao amin’ny Joela 2:28, nampanantena Izy, fa, “Amin’izao andro farany izao dia hisy fara-orana *hirotsaka* amin’ny olona, amin’ny andro farany.” Ataoko fa ny teny Grika dia misy hoe *kenos*, izay midiaka hoe Izy no “nanafoana” ny Tenany. Tsy amin’ilay fomba izay hilazantsika azy, tahaka ny hoe misy zavatra anankiray tao anatin’ny olona iray, no Nanafoanany. Fa, Izy Tenany mihitsy no nirotsaka.

<sup>92</sup> Niova Izy; ilay *en morphé-Ny*. Izy—Izy dia niova, avy tamin’izay naха-Izy Azy, ho amin’izay maha-Izy Azy. Tsy manova ny Toetraryn mihitsy Izy. Fa tamin’ny Andro Pentekosta, dia nanova ny Tenany Izy avy tamin’ny naха-Zanak’olona, ho ny Zanak’Andriamanitra. Tonga Izy, tsy *teo* amin’ny olona. Tonga Izy *tao* amin’ny olona, hitanareo, ilay Andriamanitra tsy miova, mitondra ny Asa-panompoany hatrany, ao amin’izao taona lehibe izao.

<sup>93</sup> Naminany Izy tao amin'ny Baiboly, fa, "Hisy andro iray izay tsy andro izany na alina, nefo raha hariva ny andro dia hisy Mazava." Ankehitriny, ny masoandro, ara-jeografie, dia miosaka any atsinanana ary milentika any andrefana. Ilay masoandro io ihany izany, amin'ny fotoana rehetra. Ankehitriny, rehefa, ilay Zanaka, [Mitovy fanonona ny sun (masoandro) sy ny Son (Zanaka) amin'ny Anglisy—Mpand.] Z-a-n-a-k-a, no nanambara ny Tenany ao amin'ny fampisehoana ny Teny nampanantenaina, tamin'ny Isiraely, ilay vahoaka Tatsinanana.

<sup>94</sup> Nanana andron'ny haizina isika. Nanana fahazavana kely isika teo amin'ireo mpanavao, sy ny sisa, nanao fiangonana sy anaram-piangonana, ary nikambana tamin'izy ireny ka niditra; dia nanoroka ny zazakely, sy nampivady ny antitra, sy nandevina ny maty, sy ny sisa; dia nivelona tao amin'ilay fiangonana.

<sup>95</sup> Saingy, raha hariva ny andro, dia "Hisy Mazava," hoy Izy, "raha hariva ny andro." Ary tsy misy Soratra Masina azo foanana. Ary ilay Z-a-n-a-k-a izay nandrotsaka ny Tenany, *kenos*, tamin'ny Andro Pentekosta, no nampanantenena fa hanao zavatra mitovy raha hariva ny andro. Hitanareo? Araka ny fampanantenana izany.

<sup>96</sup> Akambàno ilay baoritra. Jereo izay hitranga, ary jereo izay Nampanantenainy, dia ho hitanareo hoe aiza no misy antsika. Akambàno ilay zavatra. Ho hitanareo ny tsi-fisaronan'i Tokana lehibe sy mahery io. Ireo fanaon-drazana no nanajamba ny olona, indray, ny amin'ireo zavatra lehibe izay voaminany ireo.

<sup>97</sup> Mosesy, rehefa nidina avy eny an-tendrombohitra izy, izay nisy Afo, toy ny inona ny fahatsaran'ny fitantarana izany!

<sup>98</sup> Nidina tany Egypta Mosesy ka nilaza tamin'ilay fiangonan-drazana fa namangy azy ny Tompo Andriamanitra tamin'ny Anarana hoe "IZAHO IZAY IZY." Io Anarana io dia milaza ny ankehitriny; tsy hoe "Izaho taloha; ho avy." Fa, "IZAHO IZAY IZY," tsy miova mihitsy, ilay tsy miova omaly, anio, ary mandrakizay. Amin'ny fotoana ankehitriny Izy. Izy... Izany dia mampitaha ny Hebreo 13:8, "Jesosy Kristy no tsy miova omaly, anio, ary mandrakizay."

<sup>99</sup> Mbola ilay Teny voaminany foana Izany. Ary, ny fiangonana, izany dia tokony hitovy endrika amin'izany Teny izany, ilay fahatsapana amin'izao andro izao. Nanana an'io ireo mpanavao, oh, saingy andro hafa ity. Jereo hoe andro inona no iainantsika. Tahaka ny tsy Nahafahany ho tonga fotsiny, tamin'ny andro Nahatongavany teto an-tany, araka ny—araka ny fomba nahatongavan'i Mosesy, na izay nahatongavan'ny mpaminany rehetra; tsy izany no voaminany. Ary amin'izao andro farany izao, dia voaminany hoe toy izao no fomba nahatongavany. Tsy afaka ny ho tonga amin'ny endriky ny fifohazar'i Luther io. Tsy afaka ny ho tonga amin'ny endriky ny fifohazar'i Wesley io. Ora famerenana izao. Fotoana izay tsy

maintsy hiverenana indray eo amin'ny Hazavan'ny Zanaka tany am-piandohana io, ilay tany am-piandohana.

<sup>100</sup> Oh, ahoana no ahafantsika mametraka ny Soratra Masina, eo amin'izany! Ary ianareo teolojiana, avy amin'ny ampahana tontolo aiza no nihavianareo, fantatrareo fa marina Izany. Fampanantenana io. Izany no mahatonga ny olona toa hafahafa. Izany no mahatonga an'ireo ho tsi-fahita, izay iantsoanareo azy ireo. Izany dia satria izy ireo...io dia...Efa nosokafana ilay sarona, avy tao amin'ireo fanaon-drazana, ka dia mahita an'Izany izy ireo. Izy no tsy miova omaly, anio, ary mandrakizay. Hitanareo? Izany no—izany no fampanantenan'Andriamanitra, ary tsy afaka handeha hanohitra an'izany isika, satria tsy azo foanana ny Soratra Masina. Eny. Hitantsika fa nampantanena an'izany Izy. Nanafoana ny Tenany Izy ho ao amin'ny Olony. Ary Izy no tsy miova omaly, anio, ary mandrakizay.

<sup>101</sup> Mosesy, rehefa avy nidina tany Egypta izy ka nanambara an'izao, tamin'izay ilay Ray no nanamarina ny hafany, tamin'ny niakarany teo amin'ny Tendrombohitra Sinay, tao amin'ilay Andry Afo io ihany, ka nampirehitra ny tendrombohitra tamin'ny Afo. Voatsikaritrareo ve? Ilay hany Nomeny ny teny fikasana, dia Nentiny teo aloha izy niaraka tamin'ny Teny. Nahazo an'ireo didy izy. Ary ny fahazoana an'io didy io, izy no...Ireo didy ireo no Teny. Mbola tsy tonga teo amin'ny vahoaka mihitsy ny Teny. Arak'izany, ny Teny dia tonga amin'ny mpaminany foana, ary Izy no mpaminany ho an'io ora io.

<sup>102</sup> Tahaka ny hoe, Jesosy no Teny. Jaona no mpaminany. Ary Jesosy tonga teo aminy, tao anaty rano, satria ny Teny dia tonga amin'ny mpaminany foana, tsy miovaova. Hitanareo? Tonga eo aminy ny Teny.

<sup>103</sup> Koa, Mosesy, tonga taminy ny Teny; ireo didy. Ary izy no nahazo azy. Eny, nahoana? Talohan'ny nampahafantarana ny Teny ka natao voaseho, dia tsy maintsy nanarona ny tavany Mosesy, satria tsy mbola voaseho manontolo ilay Teny. Fantatr'izy ireo fa nisy zavatra nitranga, saingy tsy fantatr'izy ireo hoe inona ilay izy, ilay firohondrohana sy kotroka. Hany ka, hoy izy ireo hoe, "Avelao Mosesy no hiteny, fa tsy Andriamanitra."

<sup>104</sup> Ary hoy Andriamanitra hoe, "Eny, Hataoko izany. Manomboka izao, dia tsy hiseho tahaka izao intsony Aho. Handefa mpaminany amin'izy ireo Aho. Ka izy no...Izaho no hiteny amin'ny alalan'ny Mpaminaniko."

<sup>105</sup> Ankehitriny, raha Mosesy aza, niaraka tamin'ny lalàna natoraly, (tahaka an'i Paoly, ao amin'ny Korintiana Faharoa eto, izay nanambara tamintsika), no tsy maintsy nanarona ny tavany tamin'ny natoraly, dia ho toy inona kosa no hahalehibe lavitra ny Ara-panahy ka voasarona amin'ny tsi-mino talohan'ny nahatonga azy ho voaseho taminy! Ho impiry lavitra

no hiantsoan’izy ireo... Mosesy dia tsi-fahita anankiray. Ho impiry lavitra no hiantson’izy ireo anareo, izay efa namaky teo amin’ny sarona, niditra tao amin’ny Andry Afo, nivoaka niaraka amin’ny Fitahiana! Ary voasarona ianareo ankehitriny. Tsy afaka mahita an’izany ny olona. Tsy mety hahazo an’Io izy ireo.

<sup>106</sup> “Raha ny ara-boajanahary aza nisy voninahitra, ho toy inona mihoatra an’izany ilay ivelan’ny voajanahary! Raha ny ara-boajanahary, izay nisy farany, aza no nisy voninahitra, toy inona mihoatra an’izany Ity izay tsy manam-piafarana ity, no hisy voninahitra!”

<sup>107</sup> Saingy, mbola, voasarona Izany. Voasarona Izany tsy ho an’ny mino, fa ho an’ny tsi-mino. Tsy afaka mahita an’Izany izy. Andriamanitra dia manafina ny Tenany foana amin’ny tsi-mino. Ireo fombafomba no manafina an’Izany. Toy izay nataon’izy ireo tamin’izany, no ataon’izy ireo ankehitriny.

<sup>108</sup> Fa sarona ara-panahy no misy ankehitriny, teo amin’izay nisy ny sarona ara-boajanahary. Nohamarinin’ny mpaminany tamin’ny Teny voasoratra ireo, mpahita anankiray, ilay tonga niaraka tamin’ny Teny voasoratra, mba hanazava Izany.

<sup>109</sup> Fantatr’izy ireo fa teo ilay Teny, saingy tsy fantatr’izy ireo ny dikan’Izany. Ary Mosesy no nanazava an’Izany. Hoy izy, “Ny didy dia milaza an’Ity, ary ity dia izao.” Izy no nanazava izany. Ary talohan’ny nampazava an’Izany, dia voasarona Io.

<sup>110</sup> Ary toy izany koa, ankehitriny, voasarona ho an’ny olona, mandra-pahatongan’Izany ho voambara sy voazava tamin’ny olona. Andriamanitra, ilay Andriamanitra mahery, voasarona tao amin’nynofon’olombelona, ilay Teny. Mariho. Ankehitriny dia hitantsika fa nafenina io ho an’ny tsi-mino, fa voambara kosa ho an’ny mino.

<sup>111</sup> Mariho, Mosesy dia niditra tao amin’io Andry Afo io, irery. Tsy nisy afaka niaraka taminy. Tsy nisy ny...izany... Inona no resahan’izany amintsika? Fa tsy afaka ny hiditra ao amin’Io ianareo amin’ny alalan’ny fikambanana amin’ny antoko Pentekotista. Hitanareo? Tsy mbola nanambara an’Izany tamina antoko mihitsy Izy. Nambarany tamin’olona anankiray ihany Izany. Ary izay ihany koa amin’izao andro izao. Hoy ianareo, “Mpikambana ao amin’ny—ny fiangonana aho. Izaho—izaho mpikambana amin’ity.” Fa tsy hety izany. Hitanareo?

<sup>112</sup> Ary ho an’izay niezaka nanaraka an’i Mosesy, haka tahaka an’io, dia fahafatesana. Ary toy izany koa ankehitriny, fahafatesana ara-panahy, ny fiezahana haka tahaka. Izay no antony...

<sup>113</sup> Izao hariva izao, eo amin’izany isika, mitsangana eo anivon’ireo antoko, ny fampitoviana ara-nofo; misy olona miezaka hanao tahaka Ity, nefo miaina amin’ny fiainana hafa; mahazo misotro, mahazo mifoka, ny vehivavy mahazo miaina

(izy rehetra) amin'ny fomba rehetra izay tiany, ary tahaka an'izao tontolo izao, ka mijanona ao an-trano mijery televiziona, sy ireo zavatr'izao tontolo izao, nefà mbola miantso ny tenany ho Pentekotista. Miezaka izy ireo ny maka tahaka ny tena izy. Tsy mbola voambara tamin'izy ireo mihitsy izany, anefa. Rehefa voambara Izany, dia be voninahitra, ary misy zavatra mamoaka an'izany avy ao anatinareo rehefa miditra ao amin'Io ianareo. Tonga sarona anankiray ianareo. Izany dia... Izany dia tsy hety fotsiny izao. Ary ny maka tahaka an'Izany dia fahafatesana.

<sup>114</sup> Saron'i Mosesy; izy no Teny velona ho an'ny vahoaka. Ary ankehitriny, ny olona izay voasarona dia mitovy amin'izany koa. "Epistily voasoratra izy ireo, vakian'ny olona rehetra." Tsy hoe epistily *vaovao*; fa ilay Epistily efa voasoratra, tonga voaseho. Izany dia—izany dia ireo izay mino ny Teny sy ny fampanantenana ho an'izao andro izao, fa nandrotsaka ny Fanahiny Andriamanitra, amin'ny nofo rehetra, ary izay no epistily voasoratra. Ary raha misy olona miezaka ny maka tahaka ara-nofo an'izany, dia hanody azy izany. Ny fiainanareo no maneho hoe inona moa ianareo.

<sup>115</sup> Indray andro nisy tovolahy anankiray, nanana olana anankiray izy. Tovolahy tsara anankiray izy, saingy izy—izy io dia nandalo fitsarana. Ary hoy ny mpitsara, "Hitako fa meloka ianao. Tsy maintsy saziako ao an-trano-maizina mandra-pahafaty ianao."

<sup>116</sup> Hoy izy, "Te-hiezaka hiaro-tena aho." Hoy izy, "Te-hamerina ny fiainako fahiny aho."

<sup>117</sup> Hoy izy, "Tsy manana fiainana ianao fahiny. Ny fiainanao fahiny no nanameloka anao."

<sup>118</sup> Ary toy izany koa ankehitriny, ny antony tsy androsoan'ny fiangonana araka ny tokony ho izy. Ilay fiainana. Ilay lainga. Tsy maintsy manokan-tena bebe kokoa isika. Tsy maintsy mino ny Tenin'Andriamanitra tsirairay isika. Tsy maintsy mitady isika mandra-pahatongan'ny Teny ho tena misy amintsika. Hitanareo? Hitanareo? Ilay fiainana no manakana antsika tsy hiditra.

<sup>119</sup> Saingy, indray andro, (mba hanakatonana an'io resaka io), tao amin'io fitsarana io ihany, tsy nanam-bola ilay tovolahy io. Tsy nahaloa an'io izy. Niakatra aman'arivony dolara ilay sazy. Fa nanana rahalahy zokiny izy izay tonga ka nandoa an'izany ho azy.

<sup>120</sup> Ankehitriny, manana Rahalahy zoky isika, Jesosy, ilay Zanak'Andriamanitra. Ary Izy no tonga nandoa an'izany ho antsika, raha hino an'izany fotsiny isika ka afaka ny hiditra ao amin'ilay sarona miaraka Aminy. Tahaka ny hoe, Izy no Mosesin-tsika. Jesosy no Mosesin-tsika amin'izao andro izao. Mosesy, sarona, no Teny velona ho an'ny vahoaka tamin'izany. Ankehitriny, Jesosy, voasarona, no Teny velona ho an'ny vahoaka, dia, Jesosy ao amin'ny Fiangonana. Ilay

Fanahy Masina, ilay Zanak'Andriamanitra ao amin'ny vahoaka, manambara ny Teny amin'ny alalan'ny fampanantenana an'izao andro izao, no manao an'Izany marina tokoa. Mitovy ankehitriny.

<sup>121</sup> Ary tsarovy, Mosesy nanao an'io, ka naneho an'io, tsy ho an'izao totolo rehetra izao, fa ho an'ny vahoakan'ny eksodosy, kilasin'olona anankiray fotsiny, dia ireo izay nivoaka tamin'ny eksos-... tao amin'ny eksodosy.

<sup>122</sup> Ary ankehitriny, ny Fanahy Masina, eo anatrehan'ireo olona izay milaza hoe, "Tsy marina ny fanasitranana avy amin'Andriamanitra." Raha njery an'izany aho...

<sup>123</sup> Dokotera iray no niantso ahy, indray andro, momba ny ramatoa kely anankiray, oh, nisy karazany efatra na dimy teo, nitsitra fotsiny teo an-dalam-pahafatesana, nanisa ora, saingy nanasitrana azy ireo ny Fanahy Masina. Nametra-panontaniana ny amin'izany ilay dokotera. Hoy izy, "Ahoana no hisian'izao? Nahoana," hoy izy, "Izaho—izaho... Marariko io."

<sup>124</sup> Hoy aho, "Taloha izany. Fa an'Andriamanitra izy izao. Izany—izany, izany dia Asany ankehitriny." Hitanareo?

<sup>125</sup> Ary dia hitanareo fa izay ilay zavatra, dia Andriamanitra eo am-piantsoana eksodosy anankiray, mba hivoaka avy ao ambadik'ilay lamban'ny nofo izay miezaka makatahaka, izay miezaka ny hikambana amin'ny fiangonana; tsy Metodista, Batista, Presbyteriana, izy rehetra, fa ny fiangonana Pentekotista. Raharaha isam-batan'olona izany. Ianao sy Andriamanitra izany. Tokony hiditra ianao, tsy ny antokonao, tsy ny fiangonanao, tsy ny pastoranao, fa ianao no tokony hiditra.

<sup>126</sup> Tiako ho voamarikareo ny toetra hafa anankiray an'i Mosesy, rehefa nivoaka izy. Kanefa, amin'ny maha-mpaminany azy, amin'ny maha-lehilahy malaza azy, rehefa nivoaka niaraka tamin'ny Teny izy, dia hitan'ny olona fa novana izy. Nisy zavatra nitranga taminy. Rehefa nivoaka izy niaraka tamin'ny Teny voamarina ho an'io ora io, ireo didy, dia olona novana anankiray izy.

<sup>127</sup> Dia ho toy izany koa ianareo, rehefa mivoaka avy ao ambadik'io saron'ny maha-olona io izay tsy hiraharaha ny fivoriana tahaka an'izao; io olona izay ho tafintohina amin'ny fanasitranan'Andriamanitra io, ka milaza fa efa lasa ny andron'ny fahagagana. Namaky avy taorian'io saron'ny maha-olona eo io ianareo, ilay saron'ny fombafomba, dia ho fantatry ny olona rehetra fa nisy zavatra nitranga taminareo.

<sup>128</sup> Tahaka ny rahalahintsika mendri-kaja, Jim Brown. Heveriko fa ny ankamaroan'ny Presbyteriana dia mahafantatra fa nisy zavatra nitranga taminy, satria izy—izy dia nivoaka avy tao ambadiky ny saron'ny fombafomba anankiray. Nahita zavatra

tao amin'ny olona izy, nanintona azy izany, dia nivoaka avy tao ambadik'ilay sarona izy.

<sup>129</sup> Eny, ianareo, rehefa mivoaka avy ao ambadik'ilay sarona ianareo, dia hiharihary eo imason'ny olona ianareo avy eo, izay no ahafahan'izy ireo mahita fa nisy zavatra nitranga teo aminareo. Ilay Teny voasarona, ho an'ny tsi-mino, fa miharihary amin'ny mino. "Jesosy Kristy no tsy miova omaly, anio, ary mandrakizay."

<sup>130</sup> Koa, Andriamanitra izany. Tamin'izany andro izany, dia Andriamanitra tao amin'ny Lehilahy anankiray, Ilay Zanany, Jesosy Kristy. Mino izany isika. Tsy hoe mpaminany fotsiny, tsy lehilahy tsotra fotsiny, olona tsotra. Andriamanitra tao amin'i Kristy izany; Andriamanitra tao amin'ny Lehilahy anankiray; ny fahafenoan'ny fomban'Andriamanitra, ara-batana tao amin'ny Lehilahy anankiray. Andriamanitra tao amin'ny Lehilahy anankiray!

<sup>131</sup> Ankehitriny dia Andriamanitra ao amin'ny olona izany, ny fahafenoan'Andriamanitra ao amin'ny fomban'Andriamanitra, ara-batana ao amin'ny Fiangonany manontolo, maneho ny Tenany, manatanteraka ny Teniny.

<sup>132</sup> Hitantsika ankehitriny, Andriamanitra, tamin'ny taona rehetra, dia nanana hoditra teo Aminy. Izay, Andriamanitra, no niafina tao ambadik'ilay sarona.

<sup>133</sup> Izany dia mampahatsiaro ahy fotsiny ny—ny tantara kely izay nitranga tany Atsimo. Fa nisy tokantrano Kristiana anankiray. Ary tao amin'ity tokantrano Kristiana ity tamin'izany dia nino an'Andriamanitra izy ireo, ary izy ireo—izy ireo dia nihevitra fa—fa Andriamanitra no niaro azy ireo tamin'ny loza rehetra. Ary, izany, no Nataony. Ary nanana faralahy kely izy ireo, zazalahy kely teo amin'ny fito na valo taona teo. Ary—ary nandeha tany amin'ny sekoly Alahady izy ary zazalahy kely mahafinaritra anankiray. Saingy natahotra oram-baratra izy,indrindra fa rehefa mitselatra ny tselatra.

<sup>134</sup> Ary notantaraiko tamin'ny lehilahy anankiray izany, indray andro, rehefa nivoaka ilay filazàna ny amin'ity lehilahy izay sitrana ity. Io mpitoriteny io ihany no nilaza hoe, "Ataon'izy ireo ho andriamanitra ianao, Rahalahy Branham."

<sup>135</sup> Eny, mpitsikera izy io, koa noheveriko fa tonga dia notapahiko fotsiny ilay izy, kely fotsiny ihany. Tsy handratra akory, fantatrareo, fa karazany fotsiny... Hoy aho, "Manalavitra loatra ny Soratra Masina ve, ny ho izany?" Hitanareo? Hoy aho, "Tsia, tsy izany," hoy aho, "satria Jesosy dia niantso ny mpaminany hoe 'andriamanitra.' Hitanareo? Marina izany, 'Andriamanitra.'"

<sup>136</sup> Ary hoy izy ireo, "Eny, ianareo olona ireo mitady haka ny toeran'Andriamanitra." Tsy dia lavitra loatra izany. Fa tena izany

tokoa io. Tena izany io. Andriamanitra voaseho tao amin'ny nofo, tena arak'izay Nampanantenainy.

<sup>137</sup> Io fianakaviana kely io, hitantsika. Nolazaiko taminy io tantara kely io, izay tonga ato an-tsaiko amin'izao fotoana izao. Fa, indray alina dia tonga ny oram-baratra, ary hoy neny tamin'i Faralahy, hoe, "Ankehitriny, miakara any ambony ianao, zanako, ary ndeha matory."

Hoy izy, "Mama, matahotra aho," hoy izy.

"Tsy misy haninona anao eo. Miakara dia ndeha matory."

<sup>138</sup> Nitsilany teo i faralahy kely, ary ny tselatra nanjelatratra eran'ny varavarankely. Ary natahotra ilay sakaiza kely, dia nafeniny tao ambany lamba ny lohany, fa mbola reny ihany ny-ny tselatra, na hitany ny tselatra nanjelatratra teo amin'ny varavarankely, ary-ary reny ny kotroka mierona. Dia hoy izy, "Mama!"

Ary hoy izy, "Inona no ilainao, ry faralahy?"

Hoy izy, "Miakara aty dia matoria miaraka amiko."

<sup>139</sup> Koa niakatra teo amin'ny tohatra izy, toy izay mety rehetra, hataon'ny reny mendrika. Ary niakatra izy, ka nataony teo amin'ny sandriny i faralahy kely. Dia hoy izy, "Faralahy, maniry ny hiresaka aminao vetivety i neny."

Hoy izy, "Eny àry, mama."

<sup>140</sup> Hoy izy, "Ankehitriny dia tsy maintsy ataonao ao an-tsaina ity. Mankany am-piangonana isika, tsy tapaka. Mamaky Baiboly isika. Mivavaka isika. Fianakaviana Kristiana isika. Mino an'Andriamanitra isika." Ary hoy izy, "Mino isika fa, amin'ny oram-baratra sy izay rehetra mety hitranga, dia Andriamanitra no fiarovan-tsika."

<sup>141</sup> Hoy izy, "Mama, inoako izany rehetra izany. Saingy," hoy izy, "rehefa tena akaiky ilay tselatra," hoy izy, "Izaho—izaho dia mila Andriamanitra anankiray misy hoditra eo Aminy."

<sup>142</sup> Koa, izaho—izaho dia mihevitra, tsy i faralahy irery ihany, fa isika rehetra dia mahatsapa an'izany zavatra izany. Rehefa tafangona miaraka isika, rehefa mifampivavaka isika, dia Andriamanitra misy hoditra eo Aminy.

<sup>143</sup> Ary hitantsika eto fa Andriamanitra dia nanana hoditra foana teo Aminy. Rehefa nahita Azy Mosesy, dia nanana hoditra Izy teo Aminy, tahaka ny Olona anankiray. Rehefa tao ambadiky ny saron-damba Andriamanitra, dia nanana hoditra Izy teo Aminy. Ary Andriamanitra, izao hariva izao, ao amin'ny Fianganany, dia voasarona ao amin'ny Fianganany miaraka amin'ny hoditra eo Aminy. Mbola ilay Andriamanitra tsy miova Izzy, izao hariva. Hitantsika izany.

<sup>144</sup> Fa ankehitriny, toy ny taloha, ilay sarona hoditra no mamandrika an'ireo fombafomba. Tsy mino an'izany fotsiny

izy ireo fa hoe izany anie ka Andriamanitra no mahatonga an'ireo olona ireo hanao tahaka an'izany. Hitanareo? Izany dia satria Andriamanitra dia voasarona ao amin'ny Fiagonany, ao amin'ny hoditra, hoditra eo Aminy. Marina izany. Mafina ho an'ny tsi-mino Izy, fa voambara ho an'ny mino. Eny, tompoko.

<sup>145</sup> Ankehitriny, rehefa ny saron'ny fombafombany, ny fombafomban'ireo loholona ka ny Teny, no mamakivaky avy ao, oh, izany tokoa, androany, ka hita miharihary, dia mahita Azy isika, Andriamanitra indray voasarona ao amin'nynofon'olombelona. Hebreo 1 koa nilaza izany.

<sup>146</sup> Ary koa ny Genesisy 18. Tsarovy, Andriamanitra dia Lehilahy anankiray nitsangana teo, nisakafo, ary niresaka tamin'i Abrahama, ka nilaza an'izay nataon'i Saraha tao antranolay tao Ivohony.

<sup>147</sup> Ary hoy Jesosy, "Tahaka ny tamin'ny andron'i Sodoma, dia ho toy izany koa amin'ny Fihavian'ny Zanak'olona." Andriamanitra voasarona indray ao amin'nynofon'olombelona! Ankehitriny, tsarovy fa, Jesosy tsy nilaza hoe, "Rehefa voaseho ny Zanak'Andriamanitra." Ao amin'ny Lioka toko faha 17 izany, mino aho, ary eo amin'ny faha-20, andininy faha-21, any ho any angamba, hoy Izy, "Ary rehefa hiseho ny Zanak'olona." Ilay Zanak'olona, miverina ao—ao—ao amin'ny Fiagonana indray, voaseho ao amin'ny vatan'olombelona; tsy Zanak'Andriamanitra, fa ny Zanak'olona indray, miverina ao amin'ny Fiagonany indray, amin'ny andro farany. Hitantsika fa nampanantena an'izany Izy ao amin'ireo fampanantenan'Andriamanitra.

<sup>148</sup> Mahatsikaritra zavatra anankiray isika, ao amin'ny Testamenta Taloha. Eto amiko eto ilay Soratra Masina, ao amin'ny Eksodosy. Fa, ilay hodi-bibidia tranainy, inona no nataony? Nanafina ny Voninahitr'Andriamanitra tamin'ny olona izany. Ilay hodi-bibidia; na dia ny olona aza tsy afaka nahita Azy io, satria nisy hoditra anankiray nandrakotra Azy. Ilay hoditra dia... Ny Voninahitr'Andriamanitra no tao ambadik'ilay hoditra.

<sup>149</sup> Ary ankehitriny ny Voninahitr'Andriamanitra no ao ambadiky ny hoditrareo. Marina izany. Ary tsy mahita Izany ireo fombafomba. Ao anatin'ilay sarona Izy io, tao amin'izay nisy ny Teniny.

<sup>150</sup> Inona no tao anatin'io hoditra fahiny io, ilay hodi-bibidia tranainy?

<sup>151</sup> Izay, "Tsy nisy fahatsaran-tarehy haniriantsika Azy. Ary rehefa tonga nofo Izy io ka nonina tamintsika, dia mbola tsy nisy fahatsaran-tarehy haniriantsika Azy."

<sup>152</sup> Ary toy izany koa amin'izao andro izao. Tsy misy na inona na inona ao amin'ny lehilahy anankiray na vehivavy anankiray, izay mety hiriana. Fa izay misy ao anaty ao izany. Izay no maha-izy

azy. "Eny," hoy ianareo, "io sakaiza io, fantattro fa mpimamo izy io fahiny. Nanao an'izao izy io fahiny." Tsy ahoako izay nataony fahiny. Inona no mifafina ao ambadik'io hoditra io? Fa izay ao ambadika ao, izay no misy vidiny. Izay ilay izy, nohajambaina ny olona. Ilay hoditra no manajamba ny olona. Hitanareo? Hoy izy ireo, "Tadidiko io vehivavy io taloha." Fantattro hoe inona izy taloha, fa ahoana kosa ny amin'ny ankehitriny? Hitanareo?

<sup>153</sup> Ireo hoditra ireo, izay teo amin'ilay bibidia fahiny, fa ankehitriny kosa dia manafina ny Voninahitr'Andriamanitra io, dia mitahiry an'Izany ao ambadik'io. Teo amin'ny biby izany teo, saingy ankehitriny kosa dia mitahiry ny Voninahitr'Andriamanitra izy io.

<sup>154</sup> Koa afaka ny hovaina ny hoditrareo, izao hariva izao, ho tonga toerana fonenana ho an'Andriamanitra, Andriamanitra mitoetra ao amin'ny maha-olona.

<sup>155</sup> Jereo. Ilay hodi-bibidia trrainy, hitantsika, fa tao ambadika dia nisy... Tao anatin'io tao ny Tenin'Andriamanitra. Ary, ny Tenin'Andriamanitra, dia nisy ihany koa ny mofo aseho teo. Ny fiara no namafazana. Ary inona izany teo? Ny Voninahitry ny Shekinah no tao.

<sup>156</sup> Ankehitriny, ny Teny dia Voa iray, ary tsy afaka ny hamoa Izy io mandra-pahatongan'ny—ny Zanaka hamely Izany. Tsy maintsy tonga eo amin'ny Voa ilay Zanaka, mba hiterahan'Izany, mba hamoazan'Izany. Ary izay ihany no fomba tokana. Raisinareo ny Teny, hitanareo, raiso ny Tenin'Andriamanitra ao am-ponareo, ary mandrosoa ao amin'ny Voninahitry ny Shekinah. Ary rehefa ataonareo izany, dia hiteraka an'ireo mofo aseho Izany, Mana, izay nomena ho an'ny vahoaka voavaka ihany. Ny hany tokana afaka mihinana an'izany, izay navela hihinana azy, dia ireo olona izay navela sy mahafantatra Azy io. Hoy Paoly eto, "Ovana avy amin'ny Voninahittra ho amin'ny Voninahittra." Hitanareo, farany, hisy fiverenana hatrany amin'ny Voninahiny tany am-boalohany Izany.

<sup>157</sup> Mitovy amin'ny voan'ny mammelana-maraina izany. Ny voan'ny voninkazo, dia latsaka amin'ny tany izy. Ny voan'ny varim-bazaha dia latsaka amin'ny tany. Inona no zavatra voalohany? Mipoitra izany, ka misy tsimoka kely anankiray. Tonga eo amin'ny taho izany avy eo. Avy eo, avy amin'ny taho, miverina amin'ilay voany voalohany.

<sup>158</sup> Eny, izany indrindra no nataon'ny Fiagonana. Avy tamin'i Luther Izany, Wesley, ary ankehitriny dia miverina amin'ilay Voa voalohany, miverina amin'ny Voninahiny voalohany, miverina amin'ilay Voninahittra izay tamin'Izy tany am-piandohana. Ilay Zanaka izay niposaka tany Atsinanana, dia io Zanaka io ihany no maneho zavatra mitovy any Andrefana, ovana avy amin'ny Voninahittra ho amin'ny Voninahittra. Novana avy tamin'ny fanompoan-tsampy, nidina tao amin'i Luther; ary avy tamin'i

Luther, nidina tao amin'i Wesley; avy tamin'i Wesley, nivoaka ho ao amin'ny Pentekotista; sy ny sisa sy ny sisa, ovana avy amin'ny Voninahitra ho amin'ny Voninahitra, mamokatra an'ilay Mana mafaina.

<sup>159</sup> Ary masaka Izany ankehitriny, mba hitondra Azy miverina indray tena tahaka ny naха-izy Azy tany am-piandohana, ilay Asa-panompoany mitovy ihany; ilay Jesosy mitovy ihany, ilay hery mitovy ihany, ilay Fanahy Masina mitovy ihany. Ilay nilatsaka tamin'ny Andro Pentekosta ihany, ilay Fanahy Masina voaseho amin'izao andro izao ihany, avy amin'ny Voninahitra ho amin'ny Voninahitra, ho Voninahitra. Ary miverina ho amin'ilay Voany voalohany; miaraka amin'ny batisan'ny Fanahy Masina; miaraka amin'ny famantarana mitovy, fahagagana mitovy, batisa mitovy; karazan'olona mitovy, manao fanao mitovy, miaraka amin'ny hery mitovy, fihetseham-po mitovy. Avy amin'ny Voninahitra ho amin'ny Voninahitra Izany. Ary ny manaraka dia ho, "Novàna avy amin'io Voninahitra io, ho amin'ny vatana tahak'ilay Vatany be voninahitra, rehefa hahita Azy isika." Nahita ny toy izany Abrahama.

<sup>160</sup> Mariho ankehitriny. Hitantsika hoe ahoana no niovàñ'izany. Hatrevo Kalvary, dia nasaina isika mba hizara ny Voninahiny. Ankehitriny, ao amin'ny Korintiana Voalohany 12, "Natao batisa ao amin'ny Tenany isika. Tamin'ny Fanahy iray no nanaovana batisa antsika rehetra." Tsy tamin'ny "rano" iray. "Fanahy iray, no nanaovana batisa antsika rehetra." Marina izany, ankehitriny, ary avy eo isika dia tonga Ampahany.

<sup>161</sup> Antenaiko fa tsy mitazona anareo ela aho. [Hoy ny Fiagonana hoe, "Tsia."—Mpand.] Hitanareo? Antenaiko fa tsy izay.

<sup>162</sup> Fa, tahaka ny feon-kira lehibe izay lalaovina izany, na manao lalao an-tsehatra anankiray.

<sup>163</sup> Tsy dia mahalala betsaka mikasika ny feon-kira na ny lalao an-tsehatra aho. Saingy njery an'ilay lalao aho... Izay niresahako mikasika ny *Carmen*, rehefa tao amin'izany ny zanakovavy sy ireo hafa. Ary izy ireo—ary izy ireo dia nilalao tao amin'io feon-kira io, tao amin'ny *Carmen*. Nanao fihetsika izy ireo. Ny mozika dia—dia—dia nanao an'ilay fihetsika mitovy.

<sup>164</sup> Toy izany koa rehefa vita batisan'ny Fanahy Masina ianareo, ao amin'i Kristy.

<sup>165</sup> Ankehitriny, hitanareo, maro taminareo no namaky na nandre ny tantara nataon'ity mpamoron-kira Rosiana malaza izay nanoratra ny *Peter And The Wolf*. Ary ahoana izy, izy ireo rehefa namoaka izany tamin'ny endrika sy ny hafa. Ary izay olona mahalala ny tantara, raha namaky an'izany ao amin'ny taratasy, ka afaka ny handre an'izany feon-kira izany, hoe ahoana no namoahany azy, an'ilay lalao an-tsehatra, nilalaovany

azy, eny, dia hahafantatra ny fiovàna rehetra. Afaka mijery azy izy ireo *eto*, ary mahita ny fiovàna.

<sup>166</sup> Saingy, ankehitriny, inona no mitranga raha ilay—raha ilay mpanoratra manoratra zavatra anankiray, kanefa isika mahita fa tsy mifanarakaka tsara amin'ilay izy izany? Hitantsika àry fa misy zavatra mitranga eo. Misy zavatra tsy ampy eo, rehefa hitantsika ireo. Izy ilay nanoratra azy dia nanao azy ka nanoratra azy, ary ny feon-kira no mpilalao azy, nanao naoty diso. Misy zavatra diso ao. Nanome fihetsika diso ilay mpitari-kira. Hitanareo?

<sup>167</sup> Ary izay no zava-misy ankehitriny, ry rahalahiko Loteriana, ry rahalahiko Batista, ry rahalahiko Pentekotista. Ry rahalahiko rehetra avy amin'ny anaram-piangonana samihafa rehetra, izay izy io. Hitanareo? Miezaka ianareo ny hanome naoty izay efa naneno tany amin'ny andron'i Luther, Wesley, toy izany, raha toa, ankehitriny, ny Fizaran-kira eto dia maneho fa andro hafa izao. Hitanareo? Hitanareo? Hitanareo? Tsy afaka mivelona amin'ny hazavan'i Luther isika; mpanavao anankiray izy. Nankasitrahantsika ny—ny anjarany, saingy efa nolalaovin-tsika izany. Efa *eto* indray isika eo amin'ny faran'ilay Boky ankehitriny. Hitanareo? Tsy azontsika—tsy azontsika lalaovina toy izay Izy io.

<sup>168</sup> Ankehitriny, ny hany fomba tokana izay ahafahanareo manao an'izany, ry rahalahiko, dia izao. Ary ny rahalahy eto amin'izao tontolo izao, any amin'ny faritra samihafa eto amin'izao tontolo izao, izao no azoko lazaina, fomba tokana ihany no misy ho an'io—io mpitari-kira io ka hataony. Tsy maintsy miditra ao amin'ny Fanahy mitovy izay nisy an'ilay mpamoron-kira izy, amin'izay dia ho azony Izany. Ary rehefa ny Fianganana, ilay feon-kira Tenany mihitsy, raha mpiandry an'ireo famantarana sy fahagagana fotsiny izao tontolo izao; rehefa ny Fianganana, sy ny Mpamoron-kira, ary ny mpitari-kira, izy rehetra no miditra ao amin'ny Fanahin'ilay Mpamoron-kira.

<sup>169</sup> Ka rehefa hoy izy ireo hoe, “Efa lasa ny andron’ny fahagagana,” dia tsy milalao ny naoty tsara izany.

<sup>170</sup> Saingy rehefa miditra ao amin'ilay firindran'Izany tsara ilay izy, sy ny tena Fanahin'Izany; ahoana no hanaovanareo an'izany mandra-pahatongan'ilay Fanahy hidina, ny an'ilay Mpamoron-kira? Amena. Koa rehefa milaza ianareo hoe, “Tsy mbola tapitra mihitsy ny andron’ny fahagagana.” Dia mihiaka ny feon-kira hoe, “Amena.” Rehefa maneno isika, hoe, “Jesosy Kristy no tsy miova omaly, anio, ary mandrakizay.” Dia mihiaka ny feon-kira hoe, “Amena.” “Hahazo hery ianareo amin’ny hilatsahan’ny Fanahy Masina aminareo.” Mihiaka ny feon-kira hoe, “Amena. Azoko Izany.” Tsy misy tombantombana intsony àry ny amin'izany. Ny feon-kira rehetra dia tena

mifanaraka tsara amin'ny Teny. Hanao toy izao izany... [Miteha-tànama in-telo Rahalahy Branham—Mpand.] Izany izy io. Oh! Zavatra mahafinaritra anankiray izany. Ilay mpitari-kira sy ilay Mpamoron-kira dia tsy maintsy ao amin'ny Fanahy mitovy. Ary toy izany koa ireo mpitendry dia tsy maintsy ao amin'ny Fanahy mitovy, mba hilalaovana an'Izany rehetra izany. Dia manontany tena izao tontolo izao hoe inona no mitranga.

<sup>171</sup> Ny kominisma izay resahin'izy ireo, ary nankarary ahy ny amin'io, sy izato fidirana rehetra ao sy ny zavatra hafa, ary ny fanavakavahana. Oh, mifona! Tena, io fahadalana rehetra io, rehefa antomotra ny Fihavian'ny Tompo, misy zavatra diso faneno ao. Matahotra aho fa ilay mpitari-kira no... Ireo mpitari-kira no nanalavitra ny Fanahin'ilay Mpamoron-kira.

<sup>172</sup> Rehefa ananantsika io Fanahin'ny Mpamoron-kira io, io herin'Andriamanitra voalohany izay lazain'ny Baiboly io hoe, "Ireo lehilahy fahiny dia nohetsehin'ny Fanahy Masina hanoratra an'ity Baiboly ity," dia ho hitanareo ireo tapaka taratasin'ny Sinoa roa ireo fa ho tafakambana, tena tahaka ny Baibolin'Andriamanitra sy ny mpino anankiray ho tafakambana mihitsy, satria ao amin'ny Fanahy iray ihany izy roa ireo. Zavatra mitovy ihany izy roa ireo. Tena ampifanitsin'izy ireo miaraka tsara izany. Ny ilaintsika ankehitriny dia ireo mpitari-kira, marina izany, miverina ao amin'ny Teny, miverina dia mino an'Izany araka izay Voalazany fotsiny. Avy eo ianareo dia mahita an'Andriamanitra, Izy Tenany. Izay ilay fampisehoana. Lasa tena izy ilay lalao an-tsehatra.

<sup>173</sup> Ankehitriny, hoy izy ireo, "Eny, Andriamanitra arantara Izy. Fantatray fa namaky ny Ronomasina Mena Izy. Nataony daholo ity. Ary Izy dia tao amin'ny—ny lafaoro afo, niaraka tamin'ireo zatovo Hebreo." Mahasoa inona moa izay Andriamanitra tantara, sa tsy izany, raha toa Izy ka niova ankehitriny? Ny olona dia nanome voninahitra hatrany an'Andriamanitra ny tamin'izay Nataony, mieritreritra ny amin'izay mbola Hataony, nefo tsy mahalala an'izay Ataony. Efa ao amin'ny olona mihitsy ny manao an'izany. Ary zavatra toy izany koa ankehitriny, ry rahalahiko. Tena zavatra mitovy mihitsy. Oh, oadray!

<sup>174</sup> Ndeha isika hiverina ka hanao an'ilay feon-kira hilalao tsara, eo amin'izay hain'izao tontolo izao jerena. Hoy Jesosy, "Raha hasandratra hiala amin'ity tany ity Aho, dia Hitaona ny olona rehetra hanatona Ahy." Ary, "Izy no tsy miova omaly, anio, ary mandrakizay."

<sup>175</sup> Aoka ireo mpitari-kira hiditra ao amin'ny Fanahy marina, miaraka amin'ny mpitendry zava-maneno sy ilay Mpamoron-kira, dia ho tsara ny zavatra rehetra. Eo isika izao, tsy hanao tombantombana ny amin'io, voatondro miaraka Aminy isika eo.

Hebreo 13:8 manao hoe, "Izy no tsy miova omaly, anio, ary mandrakizay."

<sup>176</sup> Voatondro miaraka Aminy isika ao amin'ny Asa 2. Voatondro miaraka amin'izy ireo isika, miaraka amin'ny batisa iray, zavatra mitovy. Izay rehetra naha-Izy Azy teo sy izay rehetra maha-Izy Azy, izay rehetra naha-Izy Azy sy izay rehetra maha-Izy Azy, dia izay isika. Tena izany tokoa io.

<sup>177</sup> Tahaka ny hoe raha te-ho tena Amerikana aho, dia tsy maintsy voatondro miaraka amin'izay zavatra rehetra naha-izy azy aho, izay zavatra rehetra maha-izy azy. Tsy maintsy voatondro ao amin'izany aho, raha tena Amerikana aho.

<sup>178</sup> Raha tena Amerikana aho, dia nidina tao Plymouth Rock aho izay. Amena. Nataoko izany, raha Amerikana anankiray aho. Nataonareo koa izany; nidina tao Plymouth Rock ianareeo niaraka tamin'ireo razana mpivahiny. Tao Plymouth Rock, rehefa nidina teo izy ireo, dia niaraka tamin'izy ireo aho; toy izany koa ianareo, ny rehetra.

<sup>179</sup> Nitaingin-tsoavalny niaraka tamin'i Paul Revere aho, teny amin'ny lalana mihitsy, mba hampitandrina amin'ny loza rehetra. Marina tokoa izany.

<sup>180</sup> Tetsy amin'ny Valley Forge mihitsy, namakivaky ny Delaware mamanala aho, niaraka tamin'ny andiana miaramila izay, ny antsasak'izy ireo, tsy nanana kiraro akory. Nivavaka niaraka tamin'i George Washington nandrity ny alina aho, fahiny. Namakivaky ny Delaware aho niaraka tamin'ny fahitana tato am-poko. Amerikana isika. Eny, tompoko. Tao amin'ny Valley Forge, azo antoka fa nataoko izany.

<sup>181</sup> Nanolotra fisaorana niaraka tamin'ilay Fombafisaoran'ny razana voalohany aho. Nanolotra fisaorana an'Andriamanitra aho. Raha tena Amerikana aho, dia voatondro teo amin'izany fandaharana izany.

<sup>182</sup> Raha tena Amerikana aho, dia voatondro aho rehefa nitsangana niaraka tamin'i Stonewall Jackson.

<sup>183</sup> Raha tena Amerikana aho, dia voatondro tao amin'ny Boston Tea Party aho, eny, tompoko, rehefa nolavintsika ny hahazo zavatra hanambahana antsika teo imasontsika. Eny, tena Amerika tokoa aho. Voatondro niaraka tamin'izany teo aho. Eny, tompoko. Oh, oadray!

<sup>184</sup> Nampaneno ny Liberty Bell aho, ny faha 4 Jolay voalohany, tamin'ny 1776. Nampaneno ny Liberty Bell aho teto ary nanambara fa mahaleotena isika. Mba ho tena Amerikana, dia nataoko izany.

<sup>185</sup> Voatondro niaraka tamin'ny fahamenarany aho nandrity ny Tolompiavotana, rehefa niady nanohitra ny rahalahy. Tsy maintsy mitondra ny fahamenarany aho, mitovy amin'ny tsy maintsy hitondrako ny voninahiny. Raha Amerikana anankiray

aho, dia tsy maintsy izay aho. Voatondro miaraka aminy aho. Eny, tompoko.

<sup>186</sup> Voatondro tany Gettysburg tany aho, rehefa nanao ny kabariny i Lincoln. Eny, tompoko.

<sup>187</sup> Tao Wake Island aho, teo anivon'ny vata-miaramila nihosondrà. Nitsangana tao Wake Island aho.

Tao Guam, dia nanampy nanangana an'ilay saina aho.

<sup>188</sup> Tena Amerikana aho. Amena. Izay maha-izy Azy rehetra, dia izany aho, ary mirehareha ny amin'izany. Eny, tokoa. Ny rehetra naha-izy ny Amerika, ny rehetra maha-izy Azy, dia mbola izany aho, mba ho Amerikana. Izay rehetra naha-izy Azy, dia tsy maintsy ho izany aho, satria voatondro miaraka aminy aho.

<sup>189</sup> Toy izany koa, mba ho tena Kristiana, dia tsy maintsy voatondro miaraka amin'izany ianareo.

<sup>190</sup> Nitory niaraka tamin'i Mosesy aho, ary nampi-...na niaraka tamin'i Noa, ary nampitandrina ny olona ny amin'ny fahatongavan'ny fitsarana; mba ho tena Kristiana.

<sup>191</sup> Niaraka tamin'i Mosesy teo amin'ny roimemy nirehitra aho. Hitako ilay Andry Afo. Hitako ny Voninahiny. Niaraka tamin'i Mosesy tany an-efitra aho, mba ho Kristiana. Tsy maintsy voatondro niaraka tamin'izay rehetra naha-izy an'Andriamanitra aho, mba ho Kristiana. Hitako ny Voninahiny. Nandre ny Feony aho. Aza manandrana ny hanazava amiko ankoatr'izay, satria tany aho. Fantattro izay lazaiko momba izany. Hitako izay niseho. Eny, tompoko.

<sup>192</sup> Teo amin'ny Ranomasina Mena aho, rehefa nahita ny Fanahin'Andriamanitra nidina teo aho ka nampihataka ny rano tery amin'ny ilany; tsy tamin'ny alalan'ny antontan-jozoro, izay ezahan'izy ireo lazaina ankehitriny, fa teo amin'ilay ranomasina sivy folo dian-tongotra. Hitako ny Fanahin'Andriamanitra. Nandeha niaraka tamin'i Mosesy teo amin'io tany maina io aho, namakivaky an'io Ranomasina Mena io.

<sup>193</sup> Nitsangana teo amin'ny Tendrombohitra Sinay aho ary nahita ny kotroka sy ny tselatra nilatsaka. Nihinana Mana niaraka tamin'izy ireo tany aho. Nisotro avy tamin'io Vatolampy io aho. Mbola manao izany foana aho izao hariva izao. Voatondro niaraka tamin'ireo mpihina-Mana aho. Voatondro niaraka tamin'ireo izay nisotro tamin'ny Vatolampy aho.

<sup>194</sup> Voatondro koa aho rehefa nitsoka trompetra Josoa, ka nirodana ny mändan'ny Jeriko.

Tao an-davaky ny liona aho niaraka tamin'i Daniela.

Tao amin'ny lafaoro afo aho niaraka tamin'ireo zatovo Hebreo.

Teo an-Tendrombohitra aho... niaraka tamin'i Elia teo an-Tendrombohitra Karmela.

<sup>195</sup> Niaraka tamin'i Jaona Mpanao-batisa aho, ary teo anatrehan'ireo mpitsikera. Hitako ny Fanahin'Andriamanitra nidina. Reko ny Feon'Andriamanitra nanao hoe, "Ity no Zanako malalako Izay Sitrako honenana." Eny, tompoko. Azoko antoka fa voatondro niaraka taminy aho. Tena marina izany.

<sup>196</sup> Voatondro aho teo amin'ny fasan'i Lazarosy, rehefa nanangana an'i Lazarosy Izy. Voatondro aho, ilay vehivavy tao am-patsakana, rehefa nilaza taminy an'ireo otany Izy. Eny, tompoko.

<sup>197</sup> Azo antoka fa voatondro niaraka Taminy aho tao amin'ny Fahafatesany. Ary voatondro aho tamin'ny Paska voalohany. Nitsangana tamin'ny maty niaraka Taminy aho. Voatondro niaraka Taminy tao amin'ny Fahafatesany aho.

<sup>198</sup> Niaraka tamin'ireo roapololo amby zato aho, tao amin'ny efitra ambony. Voatondro niaraka tamin'izy ireo tao aho. Hey! Izaho—izaho izany tena mahatsapa ho mpivavaka. Oh, oadray! Voatondro teo aho. Isan'izy ireny aho. Voatondro aho. Nahazo ny fahatsapana nananan'izy ireo aho. Teo aho raha nitranga izany, mba ho tena Kristiana. Vavolombelon'ilay Rivotra mahery tonga nifofofofo aho. Vavolombelon'izany aho. Tsapako ny herin'Andriamanitra raha nanetsika Izany. Niaraka tamin'ireo izay niteny tamin'ny fiteny tsy fantatra aho. Tsapako ilay hosotra nidina teo. Niaraka tamin'izy ireo aho. Voatondro niaraka tamin'izy ireo aho rehefa nanomboka niteny tamin'ny alalan'ny fiteny tsy fantatra ny Fanahy Masina, niaraka tamin'izy ireo.

<sup>199</sup> Niaraka tamin'i Petera aho, teo anatrehan'ireo mpitsikera ao amin'ny Asa 2, rehefa nitory an'io toriteny lehibe nataony io izy. Voatondro niaraka taminy aho. Eny, tompoko.

<sup>200</sup> Ao amin'ny Asa 4, rehefa niaraka niangona izy ireo, niaraka tamin'izy ireo aho rehefa nihovitrovitra ny trano. Taorian'ny fivoriam-bavaka, dia nihovitrovitra ny trano izay nitoeran'izy ireo. Voatondro niaraka tamin'izy ireo tao aho.

Nitory niaraka tamin'i Paoly aho tao Areopago. Eny, tompoko.

<sup>201</sup> Niaraka tamin'i Jaona aho tao amin'ny Nosy Patmo, ary nahita ny Fihaviany faharoa.

Niaraka tamin'i Luther tao amin'ny fanavaozana aho.

<sup>202</sup> Niaraka tamin'i Wesley aho, ilay fanilo; nandrombaka an'ireo afo, raha nanohittra ny fiangonana Anglikana ilay fikomiana lehibe. Niaraka taminy teo aho.

<sup>203</sup> Ary inty aho izao hariva izao, 1964, eto Philadelphia, Pennsylvania, voatondro miaraka amin'ny karazana andiany mitovy, miaraka amin'ny karazana fahatsapana mitovy. Tsy maintsy izany aho, mba ho Kristiana. Tsy maintsy mijanona voatondro eo amin'izay hanehoana ny Tenin'Andriamanitra

aho. Voatondro miaraka amin'ny andiany izay mahatsapa ny Fanahin'Andriamanitra aho.

<sup>204</sup> Voatondro aho miaraka amin'ny andiany izay mahafantatra fa voaseho Izy, izay mahafantatra fa Izy no tsy miova omaly, anio, ary mandrakizay, izay mahafantatra fa tsy firehidrehi-poana anie Ity. “Jesosy Kristy tsy miova omaly, anio, ary mandrakizay io.” Voatondro miaraka amin’io andiany eto io aho, izao hariva izao. Kanefa, antsoina hoe andian’olona mpanohitra finoana izy ireo, eny andiana firehidrehi-poana, noho ny Tenin’Andriamanitra. Saingy, “Tsy menatra ny Filazantsaran’i Jesosy Kristy aho, fa herin’Andriamanitra ho an’ny famonjena Izany,” ary isany aho. Miaraka amin’ireo epistily velona nambarako teo aho, voamarina, Andriamanitra voasarona ao amin’ny endrik’olona, ao amin’ireo lehilahy sy vehivavy. Oh!

<sup>205</sup> Andriamanitra ao amin'ny *en morphe-Ny* indray, mampiseho ny Tenany ka mampahafantatra ny Tenany eo amin'ny Vahoakany. Ilay Mpanjaka lehibe Izay namela antsisiny ny Voninahiny. “Fa vetivety foana dia tsy hahita Ahy intsony izao tontolo izao. Ho voasarona Aho amin’izy ireo. Fa ianareo no hahita Ahy, satria homba anareo Aho, ho ao anatinareo aza, mandra-pahatongan’ny fahataperana, niova avy amin’i Luther mankany amin’i Wesley, mankany amin’ity sy ity, avy amin'ny Voninahitra ho amin'ny Voninahitra. Mbola Izaho ihany ilay Andriamanitra izay velona, ary miverina ho amin’ilay Voninahitra voalohany.” Haleloia!

<sup>206</sup> Novakiany ny saron'ny anaram-piangonana rehetra, ireo sakan'ny feo rehetra. Ilay feo izay manao hoe, “Oh, firehidrehi-poana ity,” Novakiany avy hatrany izany. Ilay feo izay nivoaka avy tao, nanao hoe, “Oh, olona adala ireo,” Novakiany avy hatrany izany sarona izany. Eny, Nataony izany. “Oh, tsy vitanareo io. Tsy misy afa-tsy andiana mpirehidrehi-poana fotsiny ianareo.” Novakiany avy hatrany izany. “Tsy misy izany hoe fanasitranan’Andriamanitra izany.” Novakiany avy hatrany izany, oh, oadray, satria ny Teniny no nilaza fa hanao Izy. Tsy azonareeo resena ny Tenin’Andriamanitra.

<sup>207</sup> Ary mitsangana eto Izy, izao, izao hariva izao, ilay Mpandresy mahery, hatramin'ny Namakiany ny Metodista rehetra, Batista, Presbyteriana, ny karazana sarona hafa rehetra. Mbola mitsangana eo anivon'ny Vahoakany foana Izy, izao hariva izao, tsy resin’ireo fombafomba. Avelao ny olona hilaza izay tiany, hanao izay tiany, izay rehetra tiany. Tonga Andriamanitra, mamaky avy hatrany an’io sakan'ny feo io.

<sup>208</sup> Ary tsarovy, hoy izy ireo tamiko, rehefa tena mamaky an’io sakan'ny feo io ny fiara-manidina, dia tsy misy fetra ho an’ny hafainganam-pandehany.

<sup>209</sup> Lazaiko anareo fa, rehefa mamaky an’io sakan'ny fombafomba io ianareo, hoe “Jesosy dia fahiny, fa tsy Izy

ankehitriny,” rehefa hitanareo fa Izy no tsy miova omaly, anio, ary mandrakizay, dia tsy misy fetra izay azon’Andriamanitra atao mihitsy eto amin’izao favoriambe izao, ka haneho amin’ity izao tontolo izao ity izay ilain’izy ireo: tsy foaran’izao tontolo izao, fa fifohazana maneran-tany izay ho feno sy hatao batisa miaraka amin’ny Fanatrehan’Andriamanitra velona, *en morphe* manarona ny Tenany ao anatin’ny nofon’olombelona. Haleloia! Mino izany aho.

<sup>210</sup> Mamaky ny sakana rehetra, ny sarona rehetra, ny sarona rehetra! Tsy misy na inona na inona afaka manafina ny Fanatrehany. Rehefa noana ao am-pony ny olona, dia misy sarona iray efa vonona ny ho vaky. Afaka ny hiantehitira amin’izany fotsiny ianareo. Triaro ny sarona rehetra, amin’ny alalan’ny Fanahiny Masina lehibe!

<sup>211</sup> Ary mitsangana eto Izy, izao hariva izao, ilay Mpandressy mahery, tsy miova omaly, anio ary mandrakizay; manasitrana ny marary, manao batisa ny mino, toy izay efa Nataony foana ihany. Izy no ilay Mpandressy mahery. Nitsoaka ireo devoly voaheloka. Eny, tompoko. Izay foana izy ireo, rehefa manatrika Izy.

<sup>212</sup> Am-pamaranana, dia hilaza an’izao aho. Nisy an’ity... Namaky tantara iray aho, taona maro lasa izay, mikasika an’ity mpitendry lokanga antitra anankiray. Nanana lokanga trrainy anankiray izy izay hamidin’izy ireo. Efa renareo ny tantara, im-betsaka. Ary tian’izy ireo hamidy amin’ny vidiny anankiray izany. Ary hoy ilay mpanao lavanty, “Iza no hanome ahy an’izao sy izao?” Inoako fa nanolotra lela-vola vitsy izy ireo, angamba dimampolo sensa, na toy izany. “Indray, indroa,...”

<sup>213</sup> Avy hatrany, dia nitsangana ny lehilahy anankiray tery aoriana. Hoy izy, “Andraso kely aloha.” Nandroso teny izy ka naka azy io. Ndeha ataontsika hoe nilalao an’izao izy:

Misy Loharano iray feno Rà,  
Nivoaka avy tao amin’ny lalan-dràn’Imanoela;  
Rehefa mitsoboka tao ambanin’ilay ranobe ireo  
mpanota,  
Dia nanary an’ireo pentin’ny fahamelohany.

<sup>214</sup> Ary rehefa napetrany ilay izy, dia tsy nisy maso maina teo amin’ilay toerana. Dia hoy izy, “Iza no hanao tolotra?”

<sup>215</sup> Nisy nanao hoe, “Dimy arivo. Iray alina.” Niaka-bidy ilay izy. Nahoana? Ilay—ilay tompon’ny lokanga taloha no nanambara ny tena fahatsarany.

<sup>216</sup> Oh, rahalahy, ranabavy, ankehitriny dia avelao ilay Tompon’ity Teny ity, Izay nanoratra Azy, ilay Fanahiny Masina lehibe, hampiakatra ny Fitendreny amin’ny fitiavana, ka hitarika azy mamakivaky ny fonareo.

Misy Loharano iray feno Rà,  
Nivoaka avy tao amin’ny lalan-dràn’Imanoela;

<sup>217</sup> Ho hitanareeo ny tena lanjam-bidiny, ary jereo ilay Andriamanitra voaseho miharihary. Izany, mbola Izy ihany toy ilay Izy nidina tamin'ny Andro Pentekosta, teo amin'ny olona, rehefa nanaao *kenos* ny Tenany Izy, “nanafoana” marina tao anatin’Izany. Marina izany.

<sup>218</sup> Hoy ianareeo, “Rahalahy Branham, niezaka aho. Niezaka aho. Nanao an’ity aho, *izao*, ny *hafa*.”

<sup>219</sup> Indray andro aho nanaao fivoriana tao Carlsbad, New Mexico. Ary nandeha nidina tao amin’ity toerana lehibe fonenan’ny ramanavy fahiny izahay. Ary toa mampari-koditra ilay izy, ary nandeha nidina tao izahay. Ary ilay-ilay lehilahy, rehefa tafidina teo amin’io toerana io izy, izy—izy no nanapika ny jiro. Ary, oh, oadray, azonareo eritreretina ho toy inona ny fahamaizinan’izany. Izany dia... Tena maizina tokoa izany ka azonareo tsapaina mihitsy ilay izy.

<sup>220</sup> Ary saiky toy izany ny fotoana izay ananantsika, rehefa mahita ny fiangonana diso amin’ny fahafantarana ny Tenin’Andriamanitra isika; rehefa hitanareo manao an’izay ataony izao ireo zanakavavin’ny Zionan-tsika; rehefa hitanareo ireo rahalahintsika izay mifoka sy misotro, ary—ary miteny vazivazy maloto sy ny toy izany, nefo mbola miezaka mitàna ny filazany ao amin’i Kristy ihany. Oh, oadray, maizina izany. Maizina mikiroka izany.

<sup>221</sup> Hitantsika ny famantarana ny amin’ny Fihaviany. Hisy... Maizina indrindra izany mialoha kelin’ny andro. Koa nivoaka ilay Kintan’ny Maraina mba hiarahaba ny andro, sy hialoha lalana an’izany, ary haneho fa tonga izy. Mariho.

<sup>222</sup> Tao amin’izany, rehefa novonoin’izy ireo izany, dia nisy tovovavy kely nihiakiaka tamin’ny faratampon’ny feony. Nisy tovolahy nitsangana teo anilan’ilay mpitarika, ary hitany ilay mpitarika rehefa namono ny jiro tahaka izany izy. Ary io anabavy kely io dia saiky tratry ny fisendaorana. Nihiakiaka izy, nitsambikina tetsy sy teroa. “Oh! Inona no hitranga avy eo? Fa misy inona? Fa misy inona?”

<sup>223</sup> Fantatrareo ve inona no nikiahany? Hoy izy, “Aza matahotra, ranabavy kely. Misy lehilahy eto afaka handrehitra ny jiro.”

<sup>224</sup> Henoy, ranabavy kely, mety mihevitra ianao hoe kely sy vitsy isika. Nefo, aza matahotra. Misy Lehilahy eto Izay afaka handrehitra ny Jiro. Ny Fanahy Masina izany. Mino izany ve ianareo? [Hoy ny Fiangonana hoe, “Amena.”—Mpand.]

<sup>225</sup> Ndeha isika hanondrika ny lohantsika vetivety fotsiny. Miala tsiny aho nitazona anareo.

<sup>226</sup> O Andriamaniry ny Lanitra lehibe, izay maneho ny Tenanao, izay manambara ny Tenanao, mampahafantatra ny Tenanao, ilay Mpanjakan’ny Voninahitra lehibe, raiso ireo tantara kely ireo, izao hariva izao, ary avelao izany hilatsaka

ao am-pon'ny olona. Ary ho hitanay anie ilay Tokana voaseho, dia ilay Tokana Izay nidina ka nandriatra ny saron'ny tempoly; ka nivoaka avy tamin'io sarona io, tonga nidina tao amin'ny sarona olona indray, tamin'ny Andro Pentekosta; tsy mbola niova hatramin'izay, niova avy amin'ny Voninahitra ho amin'ny Voninahitra.

<sup>227</sup> Ary miverina izahay ankehitriny tahaka ny zava-boahary rehetra, mihetsika, miverina amin'ilay Voa voalohany, avy amin'ny taom-piangonana anankiray ho amin'ny anankiray hafa. Ary ao amin'izao taona farany eto izao, eo izahay izao, miverina amin'ny Zavatra voalohany izay latsaka tamin'ny Andro Pentekosta, mba hanatanteraka ny Soratra Masina rehetra, "Ilay Hazavana amin'ny andro hariva," sy, "Ireo asa Nataoko no hataonareo koa," ary koa ireo zavatra maro izay Nampanantenainao ao amin'ny Teninao.

<sup>228</sup> Ray, raha misy anankiray eto izay tsy mbola namaky teo amin'io sarona io, na raha misy anankiray eto izay maka tahaka fotsiny ny olona izay efa namaky teo amin'ilay sarona, dia omeo fahasoavana izao hariva izao, Ray. Enga anie izy ireo hahita an'ilay Mpandresy mahery mitsangana eto, feno fahasoavana sy hery, mba hamindrafo. Ekeo izany, Ray.

<sup>229</sup> Ary raha mbola miondrika ny lohantsika, hisy sasantsany ve eto? Firy eto, ataoko hoe, no hilaza hoe, "Rahalahy Branham, atsangako ny tànako. Mivavaha ho ahy"? Tazony hiondrika fotsiny ny lohanareo, ary atsangano ny tànanareo, "Te-hamaky eo amin'ilay sarona rehetra aho, mandra-pahitako marina an'ilay Mpandresy." Hitahy anareo Andriamanitra. Oadray, ireto tànana! Ny ery ambony rihana, etsy ankavanana? Hitahy anareo Andriamanitra. Ny rihana etsy aoriana? Atsangano... Hitahy anareo Andriamanitra. Aoka ho tena tso-po. Ny etsy ankavia? Atsangano ny tànanareo, lazao hoe, "Rahalahy Branham, mety ho Kristiana anankiray aho nandrity ny taona maro, saingy, ny tena marina, dia mbola tsy namaky teo amin'io sarona io aho. Tsy mbola nanao an'izany marina aho. Tsy ananako Ilay nananan'izy ireo tamin'izany." Ankehitriny, izahay dia... "Zava-maniry anaty trano hafanaina anankiray aho."

<sup>230</sup> Alaivo ny voninkazo anankiray izay maniry ao anaty trano hafanaina, fa tsy maintsy tambatambazanareo izy, safosafoinareo izany, fafifafazanareo izy, tondrahanareo izy. Fa ilay tena zava-maniry kosa izay maniry eny amin'ny tany hay eny, karazana voninkazo iray ihany, mitovy aminy; tsy mba mahazo piti-drano akory izy, nefo tsy misy bibikely mihinana azy. Tomady izy. Tena izy izany.

<sup>231</sup> Azonareo hampitahaina ve ny Kristianisma amin'ny Kristianisma ankehitriny, tamin'izay nah-a-izy azy fahiny? Azonareo eritreretina ve io andiany io, izay antsointsika hoe Kristiana ankehitriny, manerana izao tontolo izao, dia

mitovy amin'ireo izay taorian'ny Pentekosta; tambatambazana sy safosafoina, avy amin'ny fiangonana anankiray mankany amin'ny iray hafa, ary, vao miteny zavatra tsy tianareo, dia mitsangana ka lasa mivoaka? Ary, oh, azonareo eritreretina ve izany? Tsia. Fa misy inona? Fandikan-javatra izany.

<sup>232</sup> Michelangelo, izay namorona ny sarivongan'i Mosesy, afaka ny hahazo ny fandikana an'io ianareo, tena mora vidy. Saingy, ilay asa voalohany?

<sup>233</sup> Ilay anankiray nanao hoso-doko ny Fanasan'ny Tompo, vinavinaiko fa an-tapitrisany dolara ny vidin'ilay hoso-doko voalohany, raha ho afaka ny hividy azy aza ianareo. Tsy fantattro akory aza hoe aiza izy io. Fa afaka mividy mora ny fandikana anankiray an'io ianareo eo amin'ny iray dolara sy sivy folo sensa eo. Afaka ianareo.

<sup>234</sup> Ary toy izany koa ankehitriny. Kristiana mora vidy, fandikan-javatra, mpikamban'ny fiangonana fotsiny, azonareo vidina amin'ny sigara anankiray izy ireo na-na fisotroana iombonana anankiray. Na, ho an'ny vehivavy manapa-bolo na mandoko molotra, azonareo vidina izy amin' izay rehetra ao amin'ny lamaodin'izao tontolo izao. Fa tsy azonareo kasihana ilay tena izy.

<sup>235</sup> Hitako miharihary Izy, ilay tsy miova omaly, anio, ary mandrakizay.

<sup>236</sup> Oh, Kristiana, tsy tianao ve ny ho tena Kristiana? Raha misy tsy mbola nanangana ny tanganareo, hanao izany ve ianareo? Eny, hivavaka fotsiny aho. Hitahy anao Andriamanitra. Hitahy anao Andriamanitra. Oh, tsara fotsiny izany. Jereo fotsiny izao.

<sup>237</sup> Ry Rainay any an-Danitra, "Tsy hiverina foana any Aminao ny Teny." Ianao no Ilay nanao ny fampanantenana. Tompon'andraikitra fotsiny aho mba hilaza izay Nilazanao Azy. Mamerina ny Teninao fotsiny aho. Hoy Ianao, "Izay mandre ny Teniko ka mino Izay naniraka Ahy no manana Fiainana Mandrakizay." Nampanantena izany Ianao.

<sup>238</sup> Ary, Tompo, fantatray fa manana an'ireo fandikana izahay ankehitriny, maro no milaza hoe mino izy ireo, nefo, tsy mino. Miseho izany. Nefo, Tompo, misy ny tena izy, ihany koa.

<sup>239</sup> Mangataka aho mba Hanekenao fotsiny, izay ato, izao hariva izao, izay lehilahy sy vehivavy rehetra, tovolahy na tovovavy, tsy mampaninona izay firenena misy azy, na izay lokony, na izay fiangonana hikambanany, Andriamanitra ô, fenoy izy ireo. Enga anie izy ireo hahita ny tena fanehoana ny amin'ilay Jesosy tsy miova anio, eo anivonay mihitsy, toy ny nahab-Izy Azy tamin'ny Andro Pentekosta, rehefa nanambara ny Tenany ho an'ity taona ity Izy, tamin'ny maha Fanahy Masina. Ekeo izany, mahita ny fahatanterahan'ny Teny, ireo faminaniana miseho.

<sup>240</sup> Mampitaha izahay, ankehitriny, inona ilay fiangonan'izao tontolo izao eto, ilay Fikambanamben'ny Fianganana Manerantany, ka mampitaha an'izany amin'ilay fampanantenan'ny Pentekosta? Tsy misy fampitahana, akory. Tsy afaka hahazo ny lambanay maloto ho voasasan'izany tapakila izany izahay.

<sup>241</sup> Nefa, Tompo Andriamanitra, raha hiverina amin'io Loharano io izahay, dia misy dingan'ny fanadiovana, amin'izay ny fahatsapanay sy ny Tenin'Andriamanitra dia hitovy tsara izy ireo. Amin'izay, dia azonay takiana ny fanananay. Ekeo izany, Tompo ô, izao hariva izao, raha mametraka an'ity vahoaka ity eo an-Tananao aho. Omeo ny tsirairay aminay izay ilainay, Ray. Mangataka izany amin'ny Anaran'i Jesosy izahay. Amena.

<sup>242</sup> Hitahy anareo Andriamanitra. Misaotra anareo, betsaka, noho ny nitsangananareo, niandry ela. Ary miala-tsiny aho fa nitazona anareo hatramin'ny folo ora sy folo minitra. Homba anareo anie Andriamanitra mandra-pahitako anareo indray rahampitso maraina. Haveriko ny fivoriana ankehitriny, ataoko fa, amin'izay mpitarika ny fivoriana.



*ILAY ANDRIAMANITRA MAHERY*  
*VOASEHO ETO ANATREHANTSINKA MAG64-0629*  
(The Mighty God Unveiled Before Us)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alatsinainy hariva, 29 Jiona, 1964, ho an'ny fivorian'ny Fikambanan'ireo Lehilahy Mpandraharahan'ny Filazantsara Feno Manerantany tao Bellevue-Stratford Hotel tao Philadelphia, Pennsylvania, U.S.A., dia nalaaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)